



सानसेयारि “बड’सा” खरीर्लाइयाव
ख्माज्यादि जिउनें लोब्बा थानाय रायथाय, खन्थाय,
खल’, खल’बाथा आबो दावबायारि थावनि, पार्क
बाइदिनि ब्यायव लिन्नाय लिन्बिदां दैथाय डर/
खानसेयारि “बड’सा” खरीर्लाइया सेबखानावै
फोसावगेन/
बड’सायाव लिन्डरनायनि हुइ खलाम,
“बड’सा” खरी नोथो, जों बयबो आंगो खलाम/
सानसेयारि बड’सा मावकुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 13 July, 2025 Kokrajhar, BTC, Assam ★ Vol.-35, Issue No.109 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

गोदान दिल्लीयाव
महाराज नरनारायणनि
मुडव अरायथा
आलासि न’ब्लां लुफुनो
कच राजबंसि जौगाखां
परिषदनि दाबि

बासुगाव, 12 जुलाइ: कच
राजबंसि जौगाखां परिषदनि
मासिगिरि प्रनब नारायन देबनि
थानाय मावफुं समाव माखासे
सोद्रोमाफोर बनि दैदेनगिरिनि
बिफाव सामलायनायखौ
बाखनायदों। कच राजबंसि
जौगाखां परिषदनि सासे सोद्रोमा
दुर्बासा महन रायआ गोजोनाय
(□ 6 बिलाइआव)

आमसुनि हान्जा सुनाय
सोमावसारनायखौ पुलिस
बिफानआ हेंथा होदों



सालबारि, 12 जुलाइ: बाक्सा
जिल्लानि सालबारि महकुमानि
बेखनआव थानाय भकुवामारियाव
दिनै मोनसे दावराव दावसि थासारि
एवा दुं-दुं हाव-हाव थासारि
सोमजिनायनि खौरां मोनाय जादों।
बाक्सा जिल्ला आमसुनि हेंथा
सोमावसारनाय हाबाफारियाव
पुलिसआ हेंथा होनायखौ मिरु
खालामानां बे दावराव-दावसि
थासारि सोमजियो। मख ’नो
गोनांदि, आथिखालआव
(□ 6 बिलाइआव)

कक्राझारआवबो दुलाराइ आसाम माइनरिटि फरायसा आफादआ हेंथा सोमावसारदों



गिबिसिनु सुमोन्थाइ लाखांनयनि उनावबो
फरायसाफोरा बिजाब मोनैनि अजद

आक्रासु-आसाया खौरंगिरि मेलआव
फरायसालि नायगिदिगिरिखौ सोंखारिदों

सालबारि, 12 जुलाइ: बाक्सा जिल्लानि सोल्लोथाइ बिफाननि हेंथायै
मोनै माहारियारि आफादआ गोखौ खुद्रिखानायखौ फोरमायदों। जिल्लानि
बेखनआव थानाय गोबां फरायसा-फरायसुलिफोरनो नांगौ जानाय बायदियै
बिजाब जगायनानै होनो हायैनि जाहोनाव फरायसालि नायगिदिगिरिनि
हेंथायै आक्रासु आरो आसाया गावसोरनि खुद्रिखानायखौ फोरमायदों।
दिनै बाक्सा जिल्लानि निमुवायाव मोनसे खौरंगिरि मेल सामलायनानै
आक्रासुनि मिरु नेहाथारि कपिल देब (□ 6 बिलाइआव)

बेंटल-टुक्राझार-निज्जागुरिनि आबाद फोथाराव दैनि आंखाल

आबादारिफोरा खावसेल’ लुफुं
जानाय सुइसगेटखौ ज ’थै फाहामदों

चिरां, 12 जुलाइ: राइजो-राजाफोरा आसि सोमावब्लानो दै बोहैयो। बे
बाथ्रा खोन्दोआ जौसे जौखोन्दो सैथो महर मोन्दों चिरां जिल्ला भारत-
भुतान सिमनानि बेंटलनि निज्जागुरि गांमियाव। दुब्लियाव आबाद मावनो
थरथिसेबो दै गैया। दै रानसार बिथांखि मोनसे दड नाथाइ बिथांखिनि
दैआ आबाद फोथाराव गाखोवा। मख ’नो गोनांदि सरकारनि खाथियाव
गोबां खेव खावलायनायनि उनावबो जेबो रोखोमनि राहा खालामना
होयैआव सरकारनि खाथियाव नेना थायलासेनो बेंटल, टुक्राझार आरो
निज्जागुरि ओन्सोलनि गं 25 गामिनि 500 निफ्रायबो बांसिन आबादआरि
राइजो-राजाफोरा ओंखारबोनानै खावसेल’ लुफुंजानाय सुइसगेटखौ
फोदानफिनायव नांथाबो। ओन्सोलनि आबादआरिफोरनि अजद
बायदिल्ला 1982 माइथायनिफ्रायनो (□ 6 बिलाइआव) बे

सनापुरनि बगीबारिआव हादतनि सेथि दै बिरोंदामिन पार्क बेखेवदों

कलं-कपिलीनि आदर्शखौ उनसंनानै गाव-गसंथानो हानाय आसाम
दाफुनो थाखाय लाइमोन जोलैखौ गिबि मन्थिआ खावलायदों

दिसपुर, 12 जुलाइ : आसामनि
गिबि मन्थि ७ हिमन्त बिश्व
शर्माआ दिनै सनापुरनि
बगीबारिआव हेफाजाब होनाय
थांखि लानायजों सोरजिजानाय
भारतवर्षनि सेथि दै बिरोंदामिन
पार्क एबा एकुवाटेक पार्कखौ
गोथारै बेखेवना होयो। आसाम
आरो सा-सान्जा भारतनि सोनारनो
हानाय ना फिसिथाइ, आबाद आरो
गामियारि जौगाखानायनि गोजो
थाखोनि गावसुंथा आफाद कलं-



कपिलीनि बान्जायनायाव एबा
नाबांइ, आइचिएआर-
चिआइएफए, आसाम सरकारनि
ना बिफान, सेल्क’ फाउन्डेसन
आरो नलेज पार्टनर, जिआइजेनि
हेफाजाबाव गायसन्नाय बे
एकुवाटेक पार्कनि बेखेवनाय
हाबाफारियाव बाहागो लानानै
गिबि मन्थि ७ शर्माआ राइज्योनि
लाइमोन समाजखौ गाव गसंथानो
हानाय आसाम सोरजिजानायनि
(□ 6 बिलाइआव)

दरंआव लुजानो गोनां फाहामथाइ फरायसालिमानि बिथांखिसालिखौ गिबि मन्थिआ नायसंपैदों

8 सेप्टेम्बराव थांखिलाइ लानाय आसाम दावबायनाय समाव गाहाइ मन्थि नेस्त्र मदिआ
दरंनफ्राय 8 रोजा कौटि रांनि बिथांखि लुनायनि खामानिखौ गोथारै बेखेवगोन



दिसपुर, 12 जुलाइ : राइज्योनि
देहा खोन्दोखौ जौगाखांनोनाय
दावबायनायखौ लाखिलांबाय
थानानै आसाम सरकारआ दरं
जिल्लाआव गंसे फाहामथाइ
फरायसालिमा आरो फाहामसालि
गायसन्नायनि थांखि लादों। गिबि
मन्थि ७ हिमन्त बिश्व शर्माआ
दिनै जिल्लानि पुनिया
(□ 6 बिलाइआव)

भबानिपुर खोन्दोआरिगुदि
सावसि मिरुखौ गुबुन
जायगायाव लांनय जानाय
नडा: रजित कुमार दास

भबानिपुर, 12 जुलाइ: भबानिपुर
खोन्दोआरिगुदि सावसि मिरुखौ
बरपेटा रडआव थानाय
एफआरडजों फोनांजाबनायनि
थाखाय सरकारि फोसावथाइ
ओंखारनायनि उनावनो दुलायय
भबानिपुर ओन्सोलनि गुबुन गुबुन
दोलो आफाद फसंथानफोरजों
लोगोसे राइजो-राजाफोरा
(□ 6 बिलाइआव)

सालबारियाव खुंफुनाय सानैनि फोरोंगिरि फोरोंथाइ मावबादाया थुंगेबाय



सालबारि, 12 जुलाइ: बाक्सा जिल्लानि महकुमा सदर सलबारि
कलेजआव सानैनि फोरोंगिरि फोरोंथाइ मावबादा खुंफुनाया दिनै गाहामै
गाहाम थुंगेलांबाय। आगष्ट इन्टरनेसनल पाण्डेसननि बान्जायनायाव
बिटिआर सरकार आरो इन्फ’सिस पाण्डेसननि हेफाजाबआव खुंफुनाय
मावबादायाव जालाह’ सोल्लोथाइ खोन्दो आरो गबर्धना सोल्लोथाइ
खोन्दोनि सा 35 फोरोंगिरिफोर बाहागो लायो। फोरोंगिरिफोरखौ मोनसे
जौगालु जौसाडाव खौसेयै फज ’नानै (□ 4 बिलाइआव)

बर’ राव हरिमुखौ फोजौखांनयाव बर’ साहित्य सभानि बिहोमाखौ बुनानै फोजोबनो हाया: प्रमद बर’

गसाइगाव जिल्ला बर’ साहित्य सभा मावख’ लुफुनो लाइखुन्थिया गाइसन्दों



गसाइगाव, 12 जुलाइ:
बिटिआरनि गाहाइ मावफुं सोद्रोमा
प्रमद बर’आ दिनै गसाइगाव बर’
साहित्य सभानि मावख’ भवनखौ
मोनसे गोथार हाबाफारिनि गेजेरजों
लुफुंनो थाखाय लाइखुन्थिया
गाइसनो। बिटिआर सरकारनि
सोरथाथाइ फोजौखौ पाण्डनि 50
लाख रां खसां खालामनानै
(□ 6 बिलाइआव)

गसाइगावनि हंसबिलआव कंग्रेसआ बिसायख’ थि फोसावदिंदों बारग’ एमसिएलए ममिनुर इस्लामआ बाहागो लाफैदों

गसाइगाव, 12 जुलाइ : खुंजानो गोनां फेगौ
बिटिसिनि सरासनसा गौथुमारि बियाबनि
बिसायख’ थिखौ लानानै कंग्रेस दोलोआबो साखा-
फारा जाबाय। बिटिसि गौथुमारिनि सिङव थानाय 2
नं गुमा बियाबनि ब्लक कंग्रेसनि आफादगिरि आनसेर
आलीनि सामलायनायाव सकुबारखालि हर समआव
हंसबिलआव मोनसे बिसायख’ थि फोसावदिनाय मेल
खुंदों। मेलआव गामिनि गासै सा 200 निखुइ बांसिन
राइजो-राजाफोर आरो माखासे कंग्रे सनि
मावफारियाफोरजों लोगोसे गाहाइ आलासि महैर
बियाबनि बारग’ एमचिएलए ममिनुर इस्लामआ
बाहागो लाफैदों। बारग’ एमचिएलएआ
नुजाथिफै नानै राइजो-राजाफोरजों बाथ्रा
सावरायलायनायनि (□ 4 बिलाइआव)

बिटिसिनि गाहाइ मावफुं सोद्रोमा प्रमद बर’आ चिरांआव जिल्ला साहित्य सभानि जिल्ला मावख’ लुफुनो लाइखुन्थिया गाइसन्दों

बासुगाव, 12 जुलाइ: चिरां
जिल्लानि सदर काजलगावआव
दिने चिरां जिल्ला बर’ साहित्य
सभानि अरायथा मावख’ लुफुंनो
थाखाय बिटिसिनि गाहाइ मावफुं
सोद्रोमा प्रमद बर’आ लाइखुन्थिया
गाइसन्नायखौ नुनो मोन्दों।
राइज्योनि गिबि मन्थिआ
फोसावलांनय बायदियै आसाम
सरकारनि 50 लाख रां खसांजों
लुफुंजानो गोनां बर’ साहित्य
सभानि बे मावख’खौ गाइसन्नाया
बर’ समाजनि थुनलाइ,हरिमुखौ
फोजौखानायाव गोबां हेफाजाब



खालामगोन होना बिटिसिनि गाहाइ जिल्ला बर’ साहित्य सभानि
मावफुं सोद्रोमाया फोरमायदों। दिनै मावख’ लुफुंनो लाइखुन्थिया
गसाइगाव, चिरां आरो बिजनीयाव (□ 6 बिलाइआव)

लवार आसाम साउन्ड एस’सियेसननि जथुम्माया जागायजेनबाय

गाहाइ आलासि महैर बिटिसिनि गाहाइ मावफुं सोद्रोमा प्रमद बर’

कक्राझार, 12 जुलाइ: कक्राझार गोजौसिन गेजेरआरि
आरो थांखि बां फरायसालिनि गेवलां गेलोग्रा फोथाराव
दिनैनिफ्राय सानैनि हाबाफारिजों लवार आसाम साउन्ड
एस’सियेसननि 13थि मिरु बोसोरआरि जथुम्माया
जागायजेनबाय। बेजों लोब्बा लाखिनानै दिनै गिबि
सानाव जथुम्मासालियाव लवार आसामनिफ्राय गोबां

थादैफोरनि नुजाथिनायाव फुंनि समाव साखोन-सिखोन
भारत अभियान हाबाफारिनि सिङव साखोन-सिखोन
खालामनाय हाबाफारिजों लोगोसे बिफां फुलि गाइनाय
हाबाफारि सामलायदों होना गौथुमनि आफादगिरि
जाकिर हुसेइनआ फोरमायदों। जथुम्मानि जोबथा
सानाव गौथुमनि (□ 6 बिलाइआव)

NERIM
Your Academic Home
Approved by AICTE, NCTE & BCI
(Govt. of India)
Estd. 1992

Affiliated to Dibrugarh University,
Gauhati University & ASTU

ADMISSION NOTIFICATION : 2025-26

Admissions open for the following Under Graduate and Post Graduate programmes for the Academic Session 2025-26.

BBA BALL.B(H)
5-year integrated
MBA (F/T & P/T)
M.Com
M.Sc. (Computer Sci.)

BCA BSW MCA PGDM B.Ed

B.Com(H) LL.B(H) BA(Psychology) MSW MA (App. Psy.) MA (Education)

We are proud of our students for their outstanding performance in
BSW 6th Semester EXAMINATION (CBCS) 2025 under Dibrugarh University.

Bipasa Mazumder Outstanding

C. Mary Simte Outstanding

Nandini Swargiary Outstanding

Prantika Goswami Outstanding

Shristy Katak Outstanding

Tamanna S. Hazarika Outstanding

Ankur Karmakar Outstanding

Diya Das Grade A+

George Mushahary Grade A+

Gunjana Bora Grade A+

Minorisha Hojai Grade A+

Ningsaulakle Newme Grade A+

Sreeja Chowdhury Grade A+

Abhigyan Phukan Grade A+

Jacheng Sangma Grade A+

Nishanku Hazarika Grade A+

Partha Pratim Baruah Grade A+

Victor Borah Grade A+

Yash Rana Grade A+

Prof. (Dr) Sangeeta Tripathi, Director, NERIM Group of Institutions
Padma Nath Samrah Bhawan, Jayanagar, Khanapara, Guwahati - 781022
Call : 9954190758 / 9954051419 www.nerimindia.in nerimindia@gmail.com

सुजुगिरिनि खोलोम



गोरोबनाय गैयै बोथोर

दैज्जां बोथोरख्लाबो दासान्दि ओन्सोल लायै ओन्सोल बबेयावबा अखा हानाय, बाना लोमसावनाय जायगा-जायगा रनस्त्राव महर लानाय आरो सहायनो हायै बादि गोसा सान्दुं दुंनाया बोथोरखौल' सोलायनाय लाबोयाखै, आबादआरिफोरखौ गायनाय-फुनायावबो हेंथा होफेदों। मौसुमि अखानि जाहोनाव हादतनि माखासे रइज्यो आरो ओन्सोलफोरग दै बाना लोमसावनाय जादोंब्ला माखासे ओन्सोलाव अखा हायै रनस्त्रावनाय आरो बिदुं दुंखावनाया सुबुंफोरखौ गोब्राब जेनायाव खोख्लेनायल' नड बाइदिसिना बेराम-आजार सोमजिनायनिबो लामा होदों। दै बानानि उनाव गेसाव-गोफोनजों सोमजिनाय थाम्फेनिफ्राय सन्देस्नाय लोमजानाया जैरै बानो खाबु मोनो बेबादिनोबांद्रां खरां आरो दुंखावनायाबो सुबुं देहानि थाखाय गिनांगौ जानानै फैयो। खरां आरो गोखों सान्दुंआ फोथाराव आबाद मावनाय-दोनायनिफ्राय लानानै नख'पेनि-बाइजोनि बाइदिसिना हाबा मावनाय, थालाय-फैलाय खालामनायावबो सुबुंफोरखौ जेनायाव खोख्लैयो। बिदुं दुंखावनाया बानाय आरो अखा हानाया बाडय जालानायनि जाउनाव जायगा-जायगा आबाद मावनो हायै जानायबो मिबथिनो मोन्नाय जादों। गोलाव सम थोजासे अखा हाथैनि जाउनाव ओन्सोल लायै ओन्सोल दै सारनायनि राहाफोरग जेना नुजानो हमदों होन्नानै मिबथिनाय जादों। दैमा-दैसा, निजोर-फुबि, बिलोफोरा मोजां रोखोमै अखा हाथैनि जाउनाव दैनि बोहैनय दाहारा बाडय जालानो हमनायाव जायगा जायगा दैनि आंखाल फैनाय मिबथिनो मोन्नाय जादों। गोबाव सम अखा हाथैनि जाउनाव दैनि आंखाल नुजानायाव मावनानै जाग्रा आबादआरिफोरगो गोबांसिनै खाफाल हमनो गोनां जादोंमोन। मानोना आबादनि सायावनो सोनारनानै जिउ खुंग्रा आबादआरिफोरा थि समाव गायनाय-फुनायनि हाबा मावनो हायाब्ला जेना फैनायनि लामा थायो। गायनाय-फुनाय शाउन दान हाबनायनि उनावबो अखानि सोलायै गोसा सान्दुनि दुंनाया जैरै सहायनो हायै जालानो हमदों बेबादिनो दैज्जालिनि आबाद मावनायनि समआबो लासे लासै बारग'लानो लामा लादों। बोथोर बिफाननि बादियै देस्लाय गुबुन बोसोरपोरनि रुजुनायाव मौसमि अखाया समनि सिगांनो हादतआव हाबफेदों। लोगोसे बे बोसोरगव मौसुमि अखाया सरसन्सानिखुइ एसे बांसिन एबा मोजां अखा गोग्लैगोन होन्नानै बुंनाय जादों। बे हिसाबै हादतनि गुबुन गुबुन राइज्योफोरगव गोब्राब अखा हानायनि जाउनाव दै बाना लोमसावनानै गोबां खहा लाबोनाय विमथिनो मोन्नाय जादों। जौनि राइज्योनि अखं फासं गोखों अखा हानायनि जाउनाव दै बाना लोमसावनानै गोबां सय-सम्फतिजों लोगोसे सुबुं जिउबो गोमादों। बेगफासैं राइज्योनि आफां फासैं दासिम मोजां रोखोमै अखा हाग्लायैनि जाउनाव गायनो-फुनोखौनो जायगा जायगा मावनो हायै जानायखौ मिबथिनाय जादों। उननि माखासे समआव मौसुमि अखाया मा महर लागोन बेखौं बुंनो हानांगँगाया गोब्राब। सोलिफु समआव बोथोरनि पेटर्नखौं हमदोनांगँगाया गोब्राब होन्नानैबो मिबथिनो मोन्नाय जायो। सरसन्सायै जौनि राइज्योआव दैज्जालिनि समआव गोब्राब अखा हानायनि उनाव दै बाना सोमजिनायखौं जौं नुनो मोन्नाय जायो।

बोथोरनि थासारिया बांद्रायै गुदुं सोलाय-सोल' जाबाय थायोजब्ला सुबुं देहायाव लोमजा-साजानि जेनायाबो बांलाडो। बेबादिनो दै बानानि समाव लोमसावनानै थालानाय जाबोर-जोथोरफोरा सेवनानै बेराम-आजार गोसासनायाव मदत होयो। गुबैयै दै बानानि उनाव जौनि राइज्योआव मेलेरिया, डेंगु, एकेफेलाइटिस आरो डायरिया बादि बेरामफोरा सन्देरफेनानै सुबुंफोरखौ हालाय-हाफाय खालामनाय नुनो मोनो। आथिखाल राइज्योआव दै बानानि उनाव जायगा-जायगा डायेरिया बादि लोमजानायनि गिथावनाखौ नोजोर लाखिनानै जायरिया होबथानायनि राहाफारिजों लोगोसे फाहामथाय होनायनि राहा लानायकौ मिबथिनो मोन्नाय जादों। मिबथिनो मोन्नाय बादियै आफांनिफ्राय अर्खसिम बाइदिसिना बेरामजों लोगोसे डायेरिया बादि बेरामनि सग्लोबसार महर लानायनि सिगांनो बेनि होबथनाय राहा लानाय नुनो मोन्दों। गुबैयै यउन-सहरफोरनि लामा-सामायाव लान्दाङे दोन्नाय गोदै-गोबाबफोरगव ड्रेनिनिफ्राय बाफैनाय थाम्फेफोरनि थाखायबो बेराम-आजारफोरा सन्देस्नो गोलेँ जायो। आबुं होथेनाय गैयै ड्रेनफोरनिफ्रायनो फैनाय थाम्फेया लान्दाङे फानो दोन्नाय गोदै-गोबाबफोरगव बाफेनानै बेरामनि जिउसा गालानानै बेराम सन्देस्नायाव हेफाजाब होयो। बेबादिनो डेंगु, मेलेरियानि थाम्फेफोरगबो ड्रेनफोरगवनो बिदै देनानै फोलेर एहोयो आरो सुबुंफोरखौ अरनानै सासेनिफ्राय गुबुन सासेनाव बेराम गोसार होयो। आथिखाल सरकारि बिथिनिफ्राय बेराम आजारनिफ्राय बारग'नायनि बाइदिसिना फोसावथाय होनानै सांग्रांथि लाबोनाय नुनो मोन्नाय जायो। बेफोर सांग्रांथियारि फोसावथायफोरखौ गोनांथि होनानै फालियोब्ला बेराम सन्देर जानायनिफ्राय गावखौं रैखा खालामनो हानायजों लोगोसे गुबुन्नाव सन्देर हैनायखौबो होबथानो हागोन।

दिनैनि फान्जामुधि

राशि बाइदियै मुंनि गिबि हांखो

मेघ : अ ल

बुष : ऊ ब (उ ए इ)

मिथुन : क छ (ङ घ)

कर्कट : ड ह

सिंह : म ट

कन्या : प ट (ण ष)

तुला : त र

वृश्चिक : ब न

धनु : ध भ (ढ़ फ)

मकर : ख ज

कुम्भ : ग श (स)

मीन : द च (ख ज झ)

मेघ: सोरजोंबाफोर खाब्रां-खासि राव बुंजानो हागौ। गोसोखौं हमथा।

बृष: बायदिसिना जालु-जाला जानाया जोबनाय नड। महर-मुख्तिआ साबस्त्रानाय नड।

मिथुन: गावखौनो गाव गोरा खालामनानै लानो हागोन। फारफ्रोमथिंबो मोजां।

कर्कट: रावखौबो अनो रोडै गोसोनि जानो हागौ। गोसो हमथानाया मोजां।

सिंह: मोजां रंग'थिनि थाखाय बयजोंबो मान होजानो मोनगोन। गोसोखौं गोजोन मोनगोन।

कन्या: देहा-सावस्त्रिआ मोजाडै थानाय नड। जैरैबो सांग्रां जानांगोन।

तुला: दिनैनि दिनाव एसे-एनैजोंनो नख'रखौ सोलिहोनो हागोन। गोजोन मोनगोन। मोजां सान।

वृश्चिक: गोसोआ जेरावबो धैज्य गैयै जालानो हागौ। गोसोखौं सांग्रांङे लाखि।

धनु: संग्रा-सिख्खानि मोजां मोनलायनाया समानैनो थागोन। फारफ्रोमबो मोजां।

मकर: जेखि जाया शुभ खामानि मावनो हागोन। बे राशिनि थाखाय मोजां सान।

कुम्भ: जेखि खामानि मावनो साना जाफुंनायखौ मोन्नो हागोन। दिनैनि सानआ मोजां।

मीन: जेरावबो हेंथा एबा अजद मोन्नो हागौ। सानाया मोनसेबो जाफुंनाय नड। गोसोखौं हमथा।

एनएइसएआइआ 124 लामा बिथांखिफोरनि थाखाय बलि लागायगोन

गोदान दिल्ली, 12 जुलाइ:

भारतयारि माहारियारि राजा लामा अट्रिंदि (एनएइसएआइ) आ बुंदोदि, बिसोरनि रांखान्थि बोसोर 2025-26 आव 3.4 लाख कौटि रंनि मोन 124 रजा लामा आरो एक्सप्रे सवे बिथांखिफोरनि थाखाय बलि लागायनायनि बिथांखि दड। एनएइसएआइनि गेजेरजों बलिन थाखाय दैखानाय रजा लामाफोरनि गासै गोलावआ 6,376 कि:मि:। बेयाव गरखपुर-किशनगन्ज-सिलिगुरि 476 कि:मि: बिथांखिखौ

एनएइसएआइनि गेजेरजों हाइब्रिड एन्युटि मडेल

(एइसएएम) मडनि गेजेरजों बलिफोरनि थाखाय लाबोनाय

मनिपुरआव केसिपिनि सा 6 उत्तरवारिफोरखौ हमदों

इम्फल, 12 जुलाइ: रैखाथि हान्जाआ शुक्र बारखालि मनिपुरनि सोनाब इम्फल आरो सान्जा इम्फल जिल्लाफोराव गोखों अपारेसन खालामनानै होबथाजानाय कांलिपाक कमिउनिस्ट पार्टि (केसिपि) नि सा 6 सोद्रोमाफोरखौ हमदों। ओन्सोलाव उत्तरवारि हाबाफारिफोरखौ सामलायनो थाखाय नाजाबाय थानायनि गेजेरजों मिरु आरो राइज्यो एजेन्सिफोरा जुथाय अपारेसन खालामो। सुलुंनि बादिब्ला,

हमजानाय सुबुंफोरनि सायाव गलादारफोर, फालंगियारि बिगोमाफोर, पेट्रल पाम्प सालायगिरिफोर, बेंक मावसुमाफोर आरो देहा सिबिथायफोरजों लोगोसे नोगोरारिफोरनिफ्राय जर जुलुमै रां लानाय आरो हुमखि होनायफोरगव लोब्बा थानायनि दाय दड। बिबानगिरिफोरा अपारेसननि समाव गं 10 मबाइल फन आरो जर जुलुमै रां लानायफोरखौ बोखांनो हादों। गिबि अपारेसनआव

सोनाब इम्फलनि लामसां पुलिस स्टेसननि मोनथाय गोनां ओन्सोलनि सिडाव थानाय कामेंनिफ्राय केसिपि (पिडब्लिउजि) हान्जानि सा 3 मावफारियाफोरखौ हमनाय जायो। बिसोरखौ थौदम चाअथइ मैतेइ (41), लेश्रम बेनि सिंह (43) आरो निंथौजाम यंबा सिंह (43) मुडैसिनायथिनाय जायो।बिसोस्त्राव सोंथि सोंनाय समाव मिथिनो मोन्नायनि सायाव सान्जा इम्फलनि केहबि मुंनि गामियाव गुबुन मोनसे अपारेसनखौ सालायो आरो बेयाव सानै सुबुंफोरखौ हमनाय जायो। जायनि मुंफोरा जादों वंखेम तम्बा सिंह (18) आरो चन्दम रबिचन्द्र (28)।सानैबो केसिपि हान्जाजों लोब्बा गोनां। थामथि अपारेसनआव रैखाथि हान्जाआ खेदेम सनाजाअबा मैतेइ(24) खौ सान्जा इम्फलआव बनि थाग्रान'निफ्राय हमनो हायो।

मिज 'रामआव एनआइएआ साबा सुबुंफोरनि सायाव बांलादेशि उत्तरवारिफोरनो हाथियार साप्लाइ खालामनायनि दाय जाबसिन्दों

आइजल, 12 जुलाइ: माहारियारि नायबजिग्रया एजेन्सि (एनआइए) आ थांनाय शुक्रबारखालि मिज 'रामआव मोनसे गिदिर हाथियार जब्द खालामनाय केसआव साबा सुबुंफोरनि हेंथायै अजदलाइ थिसन्दों। बे केसआ बांलादेशि उत्तरवारि हान्जानि थाखाय आइन

बैरेखायै हाथियारफोरजों लोब्बा गोनां। आइजलनि गंसे जर'खा बिजिरसालिआव दिन्थिनाय अ ज द ल।इ आ।व लालबियाकचुंगा एबा डेभिड, रुआलियानसांगा एबा सांगा, लालथावमचेडवा एबा थावमा, मालसावमा एबा मालसावमा लनचेड आरो आलक भिकास

चक्मानि मुज दंफायो।बिसोरनि सायाव भारतयारि जास्टिस अफ कन्डाक, 2023, आइनारि हाबाफारि (होबथानाय) नेमखान्थि 1967, हाथियार नेमखान्थि 1959 आरो गुबुन हादरयारि नेमखान्थि 1946 नि गेजेरजों दाय जाबसिन्दों। बे केसखौं जगायजेनायाव मिजरा

पुलिसनि गेजेरजों थांनाय 15 जानुवारिआव जब्द खालामनायनि उनाव थिसन्दोंमोन।ममित जिल्लानि सै थाइ गामिआव हाथियारफोरनि मोनसे गिदिर खेप बोखांदोंमोन। 2 दाननि उनाव एनआइएआ नायबिजिरनायखौ गावनि आखाइयाव लायो आरो बांलादेशानि चटगाव ओन्सोलाव एक्त्थ मोनसे उत्तरवारि आफाद इउनाइटेड पिपुल्स डेमक्रेटिक फ्रन्टनो बेफोर हाथियारखौ साप्लाइ खालामनायनि खै सार सानायखौ सोराडव लाबोयो। एजेन्सिनि बादिब्ला, बोखांनो हानाय हाथियारफोरनि गेजेराव गं 6 एके-47 राइफल, 13 मेगजिन आरो 10,050 राउन्ड गुंलि - ब।रु द आ। दंफायोमोन।

अरुनाचलनि बान्डरदेवाआव फेग्रा बेसादजों लोगोसे सा 2 सुबुंखौ हमदों

इटानगर, 12 जुलाइ: अरुनाचल प्रदेशआव बान्डरदेवा पुलिसआ शुक्रबारखालि 27.72 ग्राम फेग्रा बेसाद जब्द खालामदों आरो सासे ड्रग्स पेडल्लि खालामनो नाजानाय सानै सुबुंफोरखौ हमदों। आसामनि नगावनिफ्राय बान्डरदेवा फासैं आइन बैरेखा फेग्रा बेसाद लाबोनायखौ जर'खा खौरां मोन्नानै साब इनस्पेक्टर कज ताड़ुनि दैदेन्नाय पुलिस हान्जाआ निया कलनीनि खाथियाव सन्देह खालामथाव सुबुंखौ

होबथायो। बे अपारेसनखौ नाहरलागुनि एसडिपिअ ऋषि लम्बद आरो नाहरलागुन

पुलिस स्टेसननि इन्चार्स इनस्पेक्टर किपा हमकनि दैदेन्नायाव खालामनाय जादों।

सिग्रोमनाय समाव बिबानगिरिफोरा सन्देह खालामथाव फेग्रा बेसादनि

जागोन आरो थराड-डिसा-मेहमाणा-आहमेदाबाद 106 कि:मि: बिथांखिखौ बिल्ड अपारेट एन्ड ट्रेन्सफार (बिअटि) मडेलनि गेजेरजों बलिफोरनि थाखाय लाबोनाय जागोन। एनएइसएआइआ बुंदोंदि, सार्भिस रड, ग्रेड सेपारेटेड स्ट्रक्सारखौ बानायग्रानि गेजेरजों 48 कि:मि: एनएइस-44 खौ पम्पर (श्रीनगर) निफ्राय काजिगुन्ड खान्डनि गोहो बांनायखौ इन्जिनियारिं

प्रक्यरमेन्ट एन्ड कनस्ट्रक्सन (इपिसि) मडेलनि गेजेरजों बलिफोरनि थाखाय लाबोनाय जागोन। माहारियारि राजा लामा बिथांखिफोरखौ मोनथाम राहाफोरजों खालामनाय जायो, जेराव बिअटि, एइसएएम आरो इपिसिआ दंफायो। बानायनाय, सालायनाय आरो सोलायनाय (बिअटि) नि सायाव नोजोर लाखिनायजों लोगोसे बिथांखिफोरनि थाखाय रेहायनि समा 15 निफ्राय 20 बोसोरनि।

अरुनाचल प्रदेशआ जर'खा गोनांथि जानाय गथ'फोरनि थाखाय स्कुल फसंगोन

इटानगर, 12 जुलाइ : अरुणाचल प्रदेश सरकारा जर'खा गोनांथि जानाय गथ'फोर(सिडाब्लिउएसएन) नि थाखाय गं 5 गोदान स्कुलफोर फसंनो थांगासिनो दं, जाय समान्थि सोलेंं थाइ बिथिडव मोनसे मख'जाथाव थांखि। सोलेंं थाइ मन्थि पासं दरजि सेनाआ बुडोदि, बे स्कुलखौं कामें, लहित, सियां, सुबनसिरि आरो तिरप जिल्लाफोराव गायसन्नाय जागोन।बिथाड बुडोदि, जौनि राइज्योआव गोबां अनजिमानि जर'खा गोनांथि जानाय फरायसाफोर दं, जायफोरा सानफ्रोमबो माखासे सेलेन्सफोरजों मोगा-मोगि जानाडो। बिसोरनो हेफाजाब होनो थाखाय थांखि लानायनि गोनांथि दं। सनाआ बुडोदि, नेम-खान्थिफोरनि थियारि आबुं जानायनि उनाव थांखिखौ राज्योयारि मन्थि आफादनि

खाथियाव गनायथिनि थाखाय लाखिनाय जागोन। राइज्यो सरकारा साबसिन सोलेंं थाइ, जोथोन लानाय आरो खाबु होनानै जर'खा गोनांथि जानाय गथ'फोरखौ गोहो गोरा खालामनो थाखाय थियारि जादों। सिडाब्लिउएसएन खथायाव बेंगुरा गथ'फोरखौ सोफानाय जादों। गिबि मन्थि पेमा खान्डुआ बेनि सोमोन्दै एक्टआव

खालामनाय मोनसे पस्टआव बुडोदि, बेयो समान्थि गोहो गोरा आरो जौगाखां भारतनि दावबायनायाव जायखि-जाया गथ'फोरखौ उन फारसे नागरा लाङे नि फारसे राइज्योनि नोजोर लाखिनायनि बिदिन्थि। बे स्कुलफोरनि थांखिया सानफ्रोमबोनि जिउआव सेलेन्सफोरजों मोगा-मोगि जानांनाय गथ'फोरखौ मदत खालामनाय।


शुभान्शु शुक्लाआ अख्रांमायाव मोन 7 एक्सपेरिमेन्ट खालामदों

गोदान दिल्ली, 12 जुलाइ: एक्सिअम-04 मिसननि गेजेरजों हासियारि स्पेस स्टेसन (आ।इ.ए.स.स.) आ।व दावबायहैनाय भारतीय अख्रांमा दावबायारि शुभान्शु शुक्लाआ थाबैनो बुहुमआव फैफिन्नो हासिगौ। आइएसआरअआ बिथानि फैफिन्नो नागिरनाय खौरंखौ होदों। आइएसआरअनि बादिब्ला, शुभान्शु आ 14 जुलाइआव अख्रांमानिफ्राय फैफिनसिगोन।शुभान्शुआ 14 जुलाइआव अख्रांमानिफ्राय फैफिनसिगोन आरो बियो 15 जुलाइआव बुहुमआव सौफैगोन। शुभान्शुजों लोगोसे

आइएसएसआव थांनाय साथाम अख्रांमा दावबायारिफोराबो स्पेसएक्सनि ड्रगन स्पेसक्रेटजों फैफिनगोन। आइएसआरअआ समाजयारि बिजोडव शुभान्शुनि फैफिनगोनखौ खौरां होनानै मिथिहोदोंदि, आइएसएसनिफ्राय ड्रगन स्पेसक्रेटनि आनडकिंनि उनाव साफ्रोम अख्रांमा दावबायारिफोरा आमेरिकानि केलिफर्नियानि खाथियाव थानाय हायेनआव 15 जुलाइ 2025 आव सान्जौफु 3.00 रिंगायाव सौफैगोन। मिथिहोनाय जायोदि, शुभान्शु शुक्लाआ 14 साननि मिसनआव आइएसएसनि थाखाय रावना होलांदोंमोन। बिथाडा आइएसएसआव दावबायहैनाय गिबि भारतीय सुबुं जाबाय। बबेखानि भारतयारि अख्रांमा दावबायारि उई कमान्डार राकेश शर्मानि उनाव अख्रांमायाव दावबायहैग्रा नैथि भारतीय सुबुं जाबाय। आइएसएसआव शुभान्शुआ माखासे रोखोमनि एक्सपेरिमेन्टबो खालामदों। शुभान्शु शुक्लाआ भारतनि एक्सिअम-4 मिसननि गेजेरजों मोन 7 माइक्रोग्रेभैटि एक्सपेरिमेन्ट खालामदों। बेनि मादाव मोन 4 एक्सपेरिमेन्टआ जाफुंसारदों आरो मोन 3 एक्सपेरिमेन्टआबो जाफुंसारनायनि लामायाव दडा।

आथिखालाव फरायसाफोरा फरायनायखौ गेजेराव नागारनो आरो जागायनो खाबु मोनसिगोन

गोदान दिल्ली, 12 जुलाई : गोजौ सोल्लोथाइ फसंथानफोरा फरायग्रा फरायसाफोरा आथिखालाव गावसोरनि फरायनायखौ जायखि-जाया समावनो नागारनो आरो जागायनो हासिगोन। आथिखालाव बेनि थाखाय बिसोर खमैब्लावो 1 बोसोरनि फरायनायखौ आबुं खालामनागोन। बे समाव बिसोरनो बिटेक फरायनायाव 1 बोसोरनि फरायनायाव सार्तिफिकेट होनाय जागोन आरो 2 बोसोर फरायनायाव डिप्लमा, 3 बोसोर फरायनायाव डिग्री आरो बै बोसोरनि फरायनायखौ आबुं खालामनायाव अनार्सनि डिग्री मोनगोन। बेनि अनगायैबो फरायसाफोरा



गावसोरनि गेजेराव नागरनाय फरायनायखौ जायखि जाया समावनो आबुं खालामनो हागोन। सिगाडाव खालामनाय बिनि फरायनायनि क्रेडिट

अनजिमाया बिनि एकाडेमिक बैंक अफ क्रेडिट (एबिसि) आव जमा थागोन। इउजिसिआ गोदान माहारिया रि सोल्लोथाइ नेम-खान्थि (एनइपि) आव

गोजौ सोल्लोथाइखौ जाफुंसार खालामनायखौ लानानै खालामबाय बे मख'जाथाव आर'ज गावनायखौ गोनांथि होनानै थियारि खालामनाय

मणिपुर सरकारा बिएसएफ मुख्लंनि फंबायखौ सिभिल पुलिस महरै थिसनबाय



इम्फल, 12 जुलाई : मणिपुरनि गभर्नर इ-काउन्सिलआ नख'र बिफाननि गेजेरजौ चिंखम नाअबा सिंहखौ सिभिल पुलिस महरै थिसनबाय। बे थांखिखौ थानाय शुक्राबारखालि हराव रज भवनआव खुंनय मोनसे जथुम्मायाव लाबाय, जायखौ गभर्नर अजय कुमार भल्लाआ दैदेन्दें। मोनसे मावख'यारि बिबुंथिनायाव एन अशक कुमारआ बुडोदि, बे

थिसननायखौ सुबुंथियारि आरो सरसनस्त्रा नडै जाहोनफोरनि सायाव खालामनाय जादोंमोन। बेखौ नाअबासिंहनि बिदा सिमना रैखाथि हान्जा (बिएसएफ) नि कनस्टेबल दिपक चिंखामनि थैनायखौ मान होनानै थिसननाय जादों, जाय अपारेशन सिन्दुरनि समावमुंखौ जायो। सान्जा इम्फलनि येरिपक याम्बेम

माथक लाइकेनि 25 बोसोर बैसोनि कनस्टेबल दीपक चिंखमआ बिएसएफनि 7 थि बेटेलियनाव सिबिथाइ होगासिनो दंमोन। बियो थानाय 10 मेआव जथुम्मा आरो काश्मीरनि आरएस पुरा ओन्सोलाव पाकिस्तान हान्जानि गेजेरजौ सिमना नारनायनिफ्राय फायरि खालामनाय समाव जोखेम जायो आरो बेनि

सानसे उनावनो बियो रुंसारि जायो। सिगाडाव 15 मेआव गभर्नर-इन-काउन्सिलआ मेजर लइशराम ज्यति सिंह, अशक चक्र (मरणपरान्त) एक्स-ग्रेटिया बिथांखिनि गेजेरजौ नख'रनि थाखाय 10 लाख रंखौ बां होनानै एक्स ग्रेटिया रंखान्थिखौबो गनायथि होदोंमोन। बेनि उग्रयै मिरु सरकारा नख'रनो 1 कौटि रं होयो। बे जाथायनि उनाव मुख्लंनि बिफा चिंखम बंविहारीआ राइज्यो सरकारनाव गावनि फिसाज्ला उदै नाअबां सिंहनि साखिनि थाखाय गभर्नरनो मोनसे आर'जलाइ गथायो, जाहाथे नख'रा मणिपुरावनो लोगोसेयै थानो हायो। गोबां सावरायनायनि उनाव गभर्नर-इन-काउन्सिलआ बे आर'ज गावनायखौ गनायथि होयो आरो गभर्नर-इन-काउन्सिलनि थांखि आरो फोसावनाय नेम-खान्थि बायदियै थिसननाय जायो।

इजराइल सान्थिफोरनि गाग्लोबनायाव गाजाआव सा 800 फिलिस्ताइनफोरनि जिउ गोमादों

जेनेभा, 12 जुलाई: गाजाआव थानाय रावबो सुबुंफोरा रैखाथि गैया। थानाय 1 खावसे दानआव बेयाव जाग्रा बेसाद जगायनानै होग्रा मिरुफोरनि खाथि-खालायाव जानाय इजराइल सान्थिफोरनि गुलि गावनायाव सा 800 सुबुंफोरनि जिउ गोमादों। बे खौरांखौ इउएननि सुबुंथि मोन्थाय केसफोरनि मावख'आ होदों आरो आमेरिका आरो इजराइलखौ मदद होग्रा आफाद जिएसएसएफआ बिसोरनि गेजेराव माखासे

जाथायफोरखौ नेवसिगारदों। बे आफादआ फिलिस्ताइनफोरनि गेजेराव जाग्रा आदार जगायनाय हाबाफारि मावगासिनो दड। बेनि गेजेरजौ दानब्रैनि उनाव थानाय शुक्र बारखालि इजराइलआ गाजायाव इन्धन जगायनानै होनो गनायथि होयो। इउएन मावख'नि बुंथिगिरि रभिना शामदासानीआ फोरमायनाय बादिब्ला, थानाय 27 मेनिफ्राय 7 जुलाईसिमआव गाजायाव



जाग्रा आदार लानो फैनाय सा 798 सुबुंफोरनि जिउ गोमायो। बिसोरनि गेजेराव सा 615 आ जिएसएसएफनि मिरुफोरनि खाथियाव जिउ गोमायो। गुलि गावनाय जाथायफोरनि

खौरांफोरखौ भुगिनांनय नख'रफोर, गाजायाव थानाय इउएननि आफादफोर आरो गुबुन फु'खाफोरनिफ्राय बुथुमनाय जादों। गाजायाव जाग्रा बेसादजौ लोगोसे

मेघालयनि नबिन अरेंगनो नेशनल फिश फार्मर डेयाव साबसिन ना फिसिग्रा आबादारि बान्थाजों मान बाउयो

अम्पाती, 12 जुलाई: मेघालयनि खोला-सोनाब गार'हिल्सनि मनाबारी गामिनि जोगाखां ना फिसिग्रा आबादारि नबिन अरेंगनो 10 जुलाईयाव त्रिरानि लेम्बुचेरायाव थानाय ना मुलुग सोल्लोसालि सिण्डुयाव खुंनय माहारियारि ना फिसिग्रा आबादारि साननि जथुम्मायाव साबसिन ना फिसिग्रा आबादारि बान्थाजों मान बाउयो। बे मानआ जिल्ला आरो मेघालय राइज्योनि दैन आबाद बिर्थिनि थाखाय मोनसे मख'जाथाव जाफुंसारनाय। अरेंगखौ ना फिसिनारनि फारसे बिनि मोन्दाथिनाय आदब खायदानि फारसे मिबथिनो मोन्नाय जायो, जाय उद्यगआव गोदान सुबुंथि फसंदों। बिथाडा ना फिसिग्रा बिफाननि मख'जाथाव हेफाजाबजों 2016



आव मनाबारीयाव थानाय गावनि हायाव ना फिसिनाय उद्यगखौ जागायो। बे बिथांखिनि बेसेना गासै 2.5 कौटि रं। बिनि फार्मआव सोलोखान्थि महरै गासै 4,000 फिगारलंसफोर दड, जेराव भारतआरि मेजर कार्प, गुबुन हादतआरि कार्पजों लोगोसे वालाग अट्टु आरो चितला बायदि फोलेरफोरा दंफायो।

फैगौ आसाम बिधान सभा बिसायख'थिआव एआइइउडिएफआ मोन 35 मासिफोराव बिसायख'थि गेलेगोन

गुवाहाटी, 12 जुलाई: बदरुहिन आजमलनि दैदेनाय अल इन्डिया इउनाइटेड डेमक्रेटिक फ्रन्ट (एआइइउडिएफ) आ फैगौ आसाम बिधान सभा बिसायख'थिआव गासै मोन 126 मासिफोरनि गेजेराव मोन 35 मासिफोराव उदाडै बिसायख'थि गेलेनो फोसावदों। एआइइउडिएफनि



समाव जौं बे खेबआव मोन 35 मासिफोराव हासिडै बिसायख'थि गेलेगोन होन्ना बुडो। बावैसो समनि गेजेरआव जौनि एमएलएफोरा दोलोनि आफादगिरि बदरुहिन आजमलजों लोगोसे सावरायो आरो जों फैगौ बिसायख'थिफोरनि थियारि खालामगासिनो दड। इस्लामआ बुंबावोदि, जों गाहामै दिन्थिफुंनो हागोनखौ मिजिंथिदों। मानोना दोलोआ

सिगाडावबो गावसोरनि गोहोजों बिसायख'थि गेलेखांबाय। बिथाडा बुंदोदि, जों 2021 नि बिधान सभा बिसायख'थिआव कंग्रेसजों लोगोसे मासिफोरखौ रान्नानै बिसायख'थि गेलेदोंमोन। 2005 आव दोलोखौ दानायनि उननिफ्रायनो जों हासिडै बिसायख'थि गेलेबोबाय थादों आरो हासिडै गेलेनानैबो जों मोन 18 मासिफोर देरहादोंमोन।

गवालपारानि पाइकान रिजार्भ फरेस्टआव होखारनाय हाबाफारिया जागायबाय



गुवाहाटी, 12 जुलाई: आसामनि गवालपारा जिल्लायाव थानाय पाइकान रिजार्भ फरेस्टआव खमैबो 135 हेक्टर हाखौ दख'ल खालामनायखौ बोखारनायनि थांखिजों होखारनाय हाबाफारिया शनिबार फुंनिफ्राय जागायबाय। बिथांमोनहा फोरमायथिनाय

बायदिब्ला, अपारेशनाव फ्राय 40 जावखांग्राफोर आरो रैखाथि मावफारियाफोरा मख'जाथाव नुजाथिनायाव खालामदों। दासिम जेबो जाथाय जायाजासे आवगायदों। जिल्ला आरो पुलिसनि गोजौ थाखोनि मावख'गिरिफोरा अपारेशनखौ नायगासिनो। गवालपारानि लेइइ कमिसनार खनिन्द चौधुरीआ सिगाडाव मुख'दोंमोनदि, 95 खौखोन्दोसो अजद होजानाय दख'ल खालामग्राफोरा गोसो जाना

ओन्सोलखौ नागारदोंमोन। होखारनाय अपारेशनखौ शुक्र बारखालि थांखि खालामनाय जादोंमोन, नाथाय ओन्सोलाव गोबां मुस्लिम सुबुं अनजिमाखौ नायनानै शुक्रबारखालि नामाजनि थाखाय दोन्थ'नाय जादोंमोन। बे थिरांथाखौ गिबि मन्थि ड हिमन्त बिस्व शर्माआ रोखा खालामदों। गवालपारा खोन्दोआरि हाग्रा मावख'गिरि तेजस मारिस्वामीआ नोजोर होदोंदि, होखारनायनि थांखिया

कृष्णाइ रेन्जनि सिखव थानाय पाइकान रिजार्भ फरेस्टआव दख'ल खालामनायखौ बोखारनायमोन। बेयाव 1,080 नख'रफोर दं, जाय हाग्रानि हाखौ दखल खालामदों। बिथांमोनखौ थानाय बोसोरनि नभे म्बर - दिसे म्बर आव ओन्सोलखौ नागारनो थाखाय खावलायनाय जादोंमोन। मारिस्वामीआ बुंदोदि, थानाय दानाव फिन नटिस हरनाय जादोंमोन, जेराव बिसोरखौ 10 जुलाईनि सिगां खालि खालामनो बिथोन होनाय जादोंमोन। हाग्रा बिफाननि बायदिब्ला, 2023 मायथाइनिफ्राय जिल्लानि मोनब्रै अन रेन्जनिफ्राय 650 हेक्टर दख'ल खालामनायखौ दानस्त्रानाय जाबाय। बे हालामनि गेजेराव 200 हेक्टरआ सुबुं थाग्रा खुलिफोरजों आवग्रिजानायमोन आरो 450 हेक्टरखौ आबादनि थाखाय बाहायनाय जादोंमोन।

चीननि स्कुलफोराव 10 लाख तिब्बति गथ'फोरा कयेदिफोर बादि थानानै दड

गोदान दिल्ली, 12 जुलाई: चीनआ तिब्बतनि मोनसे महरखौ मुलुगनो दिन्थिदों, जेराव जोंगा-मागा बिल्डिंफोर आरो इनफ्रास्ट्रक्चरफोरा दंफायो। नाथाय तिब्बतनि गुबुन मोनसे महर जायखौ मुलुगनिफ्राय लाखोमानाय जायो। दोनखोमानाय बे

জুনাট ফিসি আরো ফাহামথাই বিফাননি বান্জায়নায়াব বেসেন নাড়ৈ এন্ট্ৰেবিস থিখা হোনায, সাবস্ৰি আন্জাদ বাদা খুঁফুঁনায

গসাঈগাব, ১২ জুলাই: কক্ৰাঙ্গাৰ জিল্লানি গসাঈগাব ৱাঈজ্যোআৰি জুনাট ফাহামসালিয়াব দিনৈ ন'আব ফিসিজানায সৈমা আরো মাৱজিফোৱখৌ বেসেন নাড়ৈ এন্টি-ৱেবিস থিখা হোনায আরো সাবস্ৰি আন্জাদ বাদা খুঁফুঁনায জাযো। জুনাট ফিসি আরো ফাহামথাই বিফাননি বান হেল্ট হাৰাফাৰিনি সিঙাব এৰা এসএসবি আরো কেধিকে নি হেফাজাবআব খুঁফুঁজানায বাদায়াব গোৰা ন'আব ফিসিজানায সৈমাফোৱখৌ এন্টি-ৱেবিস থিখা আরো সাবস্ৰি আন্জাদ খালামনাযজোঁ লোগোসেনো বেসেন লাযা জাসেনো মুলিবো ৱন্না নৈ হৰনায জাযো। গসাঈগাব ৱাঈজ্যোআৰি জুনাৰ ফাহামথাই বিবানগিৰি ডা: পংকজ সৰুৰ্ত্তীআ ন'আব ফিসিজানায সৈমা আরো



মাৱজিফোৱখৌ সম ৰাযদিয়ৈ ধেকিসন হোনাযজোঁ লোগোসে গিৰুঁথাৱ ৰেগামনিফ্ৰায ৱেখাথি খালামনায বিথিঙাব দিথাগিৰিফোৱখৌ সাংগ্ৰাং খালামনায থাংখিজোঁ বেসেন নাড়ৈ বাদা খুঁফুঁনায জাদোঁ হোন্না মখ'দোঁ। হাৰাফাৰিয়াব লিংহৰজানায আলাসি মহৰৈ এসএসবিনি ৩১ নং বেটেলিয়নি

কাৰাণ্ডেণ্ট অমিত সিংজোঁ লোগোসে কেটেল ইন্টেন্সিভ ডেভলাপমেণ্ট প্ৰজেক্টনি বিবানগিৰি ডা: ধুপতি হাজ'বাৰী, কক্ৰাঙ্গাৰ জিল্লা জুনাৰ ফাহামথাই বিবানগিৰি ডা: তুপান চন্দ্ৰ ৰসুমতাৰি, গসাঈগাব মহকুমা জুনাট ফাহামথাই বিবানগিৰি ডা: কুন্জ

কিসৰ ৰুৱা, জুনাট ফাহামথাই বিবানগিৰি ডা: মাধুজ্য'নাথ, ডা: কমলিকা ৰ'ৰ', ডা: তৰনি কলিতা, আজিৰা মোন্নায মহকুমা জুনাট ফাহামথাই বিবানগিৰি মুনিন্দ্ৰ নাথ তালুকদাৰনি অনগায়ৈবো বিফানআৰি গোৰা মাৱফাৰিয়াফোৱানো নুজাথিনো হাদোঁ।

বিজনীআব সেথি বোসোৱাৰি ইনভাউটেশনেল তাইক্বান্ড' চেম্পিয়নশিপ-২০২৫ খৌ বান্জায়দোঁ

বিজনী, ১১ জুলাই: দুলাৰায আসাম সেথি বোসোৱাৰি ইনভাউটেশনেল তাইক্বান্ড' চেম্পিয়নশিপ-২০২৫ খৌ চিৰাং জিল্লানি বিজনী নোগোৱাব থানায বিজনী জিল্লা গেলেমু

গৌশুমনি ফোথাৰাব ১১ জুলাইনিফ্ৰায ১৩ জুলাইসিম সানথামনি থাখায় খুঁফুঁনায জাদোঁ। ৱংসাৰি "নীলৱতন সৰকাৰ আরো সন্দ্ৰসিং মুসাহাৰি"নি গোসোখাংথিয়াব দুলাৰায আসাম

সেৰজানি দৈঁখো

বৈ নুহৰহায়ে
বেসেৰাংৰা গোজান
নুনো মোনৈ খোনানো মোনৈ
বৈ লৈথোমা সেৱনি
অৱন ৰাৰিয়াব।
সোৱ আয়জোআ
সেৰজানি দৈঁখোজোঁ
আনি গোসোখৌ
ৱিসাৰ হোখো আঁখৌ,
বিহা মা গোমাখো
মা জাথায় জাখো
সোৱ দুখু গোনাং গাবনি
জাথায়ফোৱখৌ সেৰজানি
দৈঁখোজোঁ ফোৱমায়দোঁ
ৱৈসুমৈ গাৱাংজোঁ।
নুস হায়ে খোনানো মোনৈ
অৱন ৰাৰিয়াব আনি
গোসোখৌ খামগিলহোখো
সেৰজানি দৈঁখোজোঁ।

**মুস্ৰি থনিজা ব্ৰহ্ম
গামি- ডালৱাবাৰি
জিলা- কক্ৰাঙ্গাৰ বি টি সি (আসাম)।**

সৌহৈগোন আং মাৰোলা

সিগাঙাব নুহৰনায, লৈথো ৰাৱৈ,
বৈ হাৰাংনি সেৱাব-
মাৰোলা সৌহৈগোন
আনি মিৰ্জি।
দুখুথিয়া জিউখৌ
দুঁবুত মেগনি নিজিৰা-
ফুগাৱনো থাখায় সোৱৰা
দঙ নামা মিৰ্জি ?
নঙ নঙ
গুবুন গোসোনি অন্নায-
ৰসসা খালামনায আনি
জাথাৱনা নঙ জিউনি।
বৈথা গৈয়ৈ দিঙনি সাযাব,
থানো সানা আং লৈথোনি গেজেৱাব।
গৰগোন জৈৰোলা বৈযাব,
ৰোখাংনো গৈয়া ৱাববো বুহুমাৱ।
সোনৰা আং ৱাবনিবো সাযাব,
দাবৰাযগোন আং হাৰ্চিঙেনো।
বৈ গোজোন বুৰ্লিনি হাৰাঙাব-
সৌহৈগোন আং মাৰোলা.....।

**শ্ৰী সোৱাংসাৰ ৰসুমতাৰী।
গামি- সানজা মাৱৰিয়াগাব'
জিলা- কক্ৰাঙ্গাৰ বি টি সি (আসাম)।**

বেংগলি লাইমোন ফৰায়সা
আফাদনি চিৰাং জিল্লা
কমিটিনি বান্জায়নায়াব
খুঁফুঁনায বাদায়লায়নাযনি
গিৰি হাৰাফাৰি ৰাযদিয়ৈ দিনৈ
সামলায আফাদনি
আফাদগিৰি সান্তু
চাকলাদাৰআ ফিৰিফিলাখৌ
বিৱহোযো। মিৰু লেঙাই
আফাদগিৰি গপাল ঘৰআ
দুলাৰায আসাম বেংগলি
লাইমোন ফৰায়সা আফাদনি
ফিৰিফিলাখৌ বিৱহোদোঁ। চিৰাং
জিল্লা তাইক্বান্ড' আফাদনি
ফিৰিফিলাখৌ বিৱহোযো জিল্লা
আফাদগিৰি আলাগ
ৰসুমতাৰিআ। বে ফালিথায়াব
মুদাংৰা তাইক্বান্ড' গেলেগিৰি
গলাপ শইকিয়া, গেলেগিৰি

প্ৰত্যয় ৰম্ভন আরো গুবুন
আলাসিফোৱ দংমোন।
হাৰাফাৰিয়াব ফেগ্ৰা মুৰা আরো
জিনাহাৰিনি হেঁথায়ে মোনসে
সাংগ্ৰাথি ৱেলিবো খালামনায
জাযো। বে নি উনাব গেলেমু
গেলেগ্ৰা ফোথাৰ-১ খৌ
বিটিসিনি লেঙাই বুথিগিৰি
অধিৰাম মহানাযকআ বেখেবো,
গেলেমু ন'খৌ সুৰাঙ্গাৰিনি
কাউন্সিল কাউন্সিল প্ৰভাট
ৰসুমতাৰিআ বেখেবদোঁমোন আরো
গেলেমু এৱনা-৩ খৌ সমাজাৰি
মাৱথি প্ৰদিপ চন্দ্ৰ মন্ডলআ
বে খেবদোঁমোন। বে
বাদায়লায়নায়াব আসামনি
মোন ১২ জিল্লাফোৱনি গাসৈ
৪০০ এথলিটফোৱা ৰাহাগো
লাদোঁমোন।

(১ বিলাইনিফ্ৰায)

সালৰাৰিয়াব খুঁফুঁনায সান্নৈনি ফোৱোঁগিৰি ফোৱোঁথাই মাৱৰাদায়া থুংগেৰায

গাবনি মোন্দ্ৰাংথিফোৱখৌ বিলাইনাই জাহাথে মিৰ্জিথিথাৱ ফোৱোঁথাই ৱহা
উনসংনো হাযো। বেখৌ থাংখিনাই খুঁফুঁজানায মাৱৰাদায়াব বিগিয়াণ,
সানখাংথি, ইন্জিনিয়াৰ, ৰাহায বিগিয়াণ, জিৰ বিগিয়াণ, ৱসাযন
বিগিয়াণ ৰাযদি সোলোঁথাইনি মোন্দ্ৰোজোঁ এৰা গোদান ফৰা-ফাৰিনি
কৌশলনি সোমোন্দ্ৰে নুজাথিনো হানায ফুংখা সুবুংফোৱা গুৱাৰৈ ফোৱমায়নাই
হোযো। সান্নৈনি হাৰাফাৰিজোঁ খুঁফুঁজানায বে মাৱৰাদায়াব ৰাক্সা জিল্লা
ফৰায়সালি নাযগিৰ্দিগিৰি জাহিৰুল ইসলাম, অ.ফি.অ. সন্জয় কুমাৰ
ৰ'ৰ', সালৰাৰি কলেজনি গোৱাং জগত চন্দ্ৰ ৰসুমতাৰিজোঁ লোগোসে গোৰা
গুনি গিয়ানি সুবুংফোৱানো ৰাহাগো লাযো।

গসাঈগাবনি হংসৰিলআব কংগ্ৰেসআ বিসায়খ'থি ফোসাৱদিংদোঁ

গেজেৰজোঁ কংগ্ৰেসনি বিথাখৌ গোখোঁ খালামনাই ৰিয়াৰখৌ দখল
খালামনাযনি থাংখি আজাবনো বিবুঁথি হোযো। গাবনি বিবুঁথিয়াব
বিথাঙ সোলিফু বিজেপি সৰকাৰখৌ সাংখাৰিনাই বুদোঁদি, বে সৰকাৰআ
ধ্ৰুৱসাৰ আরো মাইন'ৱিটি সৱসনসা সুবুংফোৱনি সাযাব উদখাৱে খুঁথাই
সামলায়নাযনি ৰাশ্ৰাখৌ আথিখালাৱ ৱাঈজো-ৱাজাফোৱা মিথিনো
মোনৰায। বে নি অনগায়ৈবো গেৱাখাংথিজোঁ লোৰ্ৰা থানায বিজেপিখৌ
ৰোখাৱনাই বিটিসিনি গুমা ৰিয়াৰনি ৱাঈজো-ৱাজাফোৱা বে খেৰাব
কংগ্ৰেসখৌ ১৭ ৱোজা ধৰ্চনি ফাৰগাথিয়াব দেৱহানাযনি দাবি খালামো।
গুবুন ফাৱসে হোখাৰস্কাঁনাযনি সোমোন্দ্ৰে বিটিসিনি মাৱফুঁ সোদ্ৰোমা ৱন্জিত
ৰসুমতাৰিআ বিবুঁথি হোনাযখৌ নংখায় ৰাশ্ৰা হোনায হোন্না মখ'নাই
মমিনুৱ ইসলামআ বেৰাযদি নংখায় ৰাশ্ৰা হোনাযজোঁ ৰসুমতাৰিআ
বিটিসিআব ধৰ্চনিল' ৱাজাখাংথি খালামদোঁ হোন্না বুঙো।
বিসায়খ'থিনি উনাবনো বিটিসিআব হোখাৰস্কাঁনায জাগায়জেনগোন,
বেযো জৌসে জৌখোন্ডো ৱোখা। বে নি থাখায়নো ফৈগৌ বিসায়খ'থিয়াব
সাংগ্ৰাং ৱাঈজো-ৱাজাফোৱা বিজেপি-ইডিপিপিএল সৰকাৰখৌ খুঁথাই
মাসিনিফ্ৰায ৰোখাৱনাই বিটিসিআব ফিন কংগ্ৰেসনি সৰকাৰখৌ দাফুঁনো
আবুঙৈ থিয়াৰি জাৰায। বিসায়খ'থি ফোসাৱদিংনাযনি সোমোন্দ্ৰে
খৌগিৰিনি মোনসে সাঁথিয়াব মমিনুৱ ইসলামআ বুদোঁদি, আসাম প্ৰদেশ
কংগ্ৰেসনি আফাদগিৰি মোন্নাযনি উনাব গৌৰব গগৈনি বেযো সেথি
বিসায়খ'থি। বে নি থাখায়নো আফাদগিৰিআ আথিখালাৱ বিটিসি
বিসায়খ'থিয়াব ৰাংসিথাৱে গোনাংথাৰ ৰিফাব লাগোন। লোগোসে দেৱফোমবো
ৰিয়াৰাবনো দোলোআ ৰিজাথি ফসংনাযজোঁ লোগোসে ফোসাৱদিংনায
হাৰাফাৰি লাগোন হোন্না ৰাৱা' এমচিএলএআ ফোৰ্মাযনা হোযো।
মেলাব দোলোনি গুবুন-গুবুন থাখোনি মাৱফাৰিয়াফোৱজোঁ লোগোসে
গুৱাৰাৰি মন্ডল কমিটিনি আফাদগিৰি কাজি সাহিনুৱ ইসলাম, গুমা
ব্লক কমিটিনি লেঙাই আফাদগিৰিনি অনগায়ৈবো গাহাই নেহাথাৰি নুৱ
আলম শেখমোনহা ৰাহাগো লাফৈদোঁ।

ইংজালি গথ'ফোৱনি সৌৱা

বেলাসি সমাব

বেসেৰা মোজাং, বেসেৰা সমাযনা
বেলাসি সম
বেলাসি সমনি সমাব আং জেৰ্ৰা
গসাযখৌ খুলুমো।
অৰ্ৰা আনি ৰিখা ৰিখ্ৰো গোথাৰ
সান্নায লানা গোজোনো
বেসে গোথৌ বেসে দাহাৰ দসেনো আরো
দুখুনি ৰোহৈথিয়া সুপ্ৰাংলাঙো।
দানদিসে সম ইঁসোৱখৌ খুলুমোৰ্ৰা
গিয়াণনি গুথাল সৌদাবফৈযো
ইঁসোৱ মানসিনি গোজোন বেসে এসে
নাথায় দুখুআ ৰাংসিনি।
বেলাসি সমাব আনি গোসোআ
ৱংজানাযজোঁ ৰাৰ্ৰ'যো।
জেৰ্ৰা ইঁসোৱনি মহৰখৌ গোসোজোঁ
আং নাগিৱনা খুলুমো...
অৰ্ৰা নাগিৱো গিয়াণনি লামায়াব
আগান সুৱনো।
নাথায় দং গোৰাং সৌদাব- সৌসি
বেনো গোসোখৌ হমথায়ো।
আং মোনথিয়ো গোসোআ জোৰোৱ দুস্ত'
বেখৌ নঙাৰ্ৰা ৰৈখৌ।
বেনিখায়নো ইঁসোৱ নোঁ আনি জীউআব
গোথাৰ গিয়াণনি ৰোৱ সাঙ্গি
দানি জুগাব গাবজোঁ-গাব সিনাযা
হে-ইঁসোৱ।
দানি সমাব ৱাববো ফোথায়,গাঞ্জিনি
লামায়াব আগান সুৱনায।
বে আনি জীউনি বেলাসি সমাব জেৰ্ৰা
আং ইঁসোৱ নোঁখৌ ফুজিয়ো.....
আংনো গিয়াণ হৰো নোঁসোৱ আফা-আই
আংখৌ বুজায় দানদিসে সম।
বে আনি থাৰ সাৰৰসিনি জীউনি
সমাযনা বেলাসিয়াব
জেৰ্ৰা গোসোআ গিয়াণনি গোজোন ৰাৱ
হাৰফৈযো অৰ্ৰা
দসে সম গিয়াণনি লামা থাৰাযনা
মানো থাথ'ফিনো আনি গোসো।

গোজাং ৰোথোৱ

গোদান সল' লানাই
গোজাং ৰোথোৱা ফৈৰায,
সোৱৰাযা গোজাংনাযজোঁ
মোদোম থোৱ থোৱ মাৱদোঁ
সোৱৰাযা সান্দুং সাযনাই
গাব গাবনি মোদোমখৌ গুদুং খালামদোঁ।
গোজাং ৰোথোৱাব সান্দুংখৌ জোৰোৱ মোজাং মোনো
অৱখৌ গোদৈ ৰাযদি মোনো।
গোজাং ৰোথোৱাব দৈখৌ গিয়ো
অৱআব ৰাৱসোমনো গোসো জাযো।
সানআ মাৰ্ৰা অঁখাৰো,
মাৰ্ৰা হাৰলাঙো বেখৌ ৱাববো মিথি স্ৰাৰা।
গোজাং ৰোথোৱা ফৈৰায
বেসেৰাং দি সমাযনা গাব লাৰোফাদোঁ।
গিজি গৰ্ল'সি গান্নায
হাউৱীয়া মানসিয়া হান্ধুনি গেজেৱাব
গাবনি খৰ'খৌ এৱসোযো।
দুখুথিয়া হাউৱীয়া খামলা মাৱগ্ৰাফোৱা
সিৰায সানফা মোন হাৰা মাৱো
ন'আব ফৈৰা সিৰায উদৈ বুঁজাসে
অঁখামখৌনো মোনজাযা
খালি বেহা থানো দঙ'ডেৱা ন'খ'নাসে।

**শ্ৰী দিনেস ৰসুমতাৰী
লা:সো:- ৱুনী কাটা
জিলা- কক্ৰাঙ্গাৰ বি টি সি আসাম**

দাবগালাংদো ৰ' হাৰি

দাবগালাংদো ৰ' হাৰি,
গোদোসোনায হাৰিখৌ ৰোখাংদো
খালামদো ৰ' হাৰিনি সিনাৰ্যথি।
গিনাই ৱাববো ফাৱসয়না থানো নাঙ,
ৰ' হাৰিনি গেজেৱাব ফোথায়নাযখৌ লা।
জান্জি খাফ্ৰানাই ৰোলো ফোৱানাই
সুথুৱফোৱখৌ বেঁথাহৈদো,
নঙাৰ্ৰা হাৰিয়া ৰয়জোঁবো নেৱসিজাগোন।
হাৰিনি থাখায় গাবনি দেহানি
থৈখৌ দৈ খালামনাইৰ্ৰাৰো,
হাৰিনি থাখায় জিউ ৰাউদো।
জৌখাংহোদো সানসে হাৰিখৌ
দুখুনাংথাৱ হাৰিখৌ সোৱাঙাব লাৰোদো,
দাবগালাংদো ৰ' হাৰি।

দুথৌ ৰহ্ম
কক' ৱাঙ্গাৰ।

পুথিবি ৰহ্ম
গামি- গাৰ্ৰাৰি ৰিল

বিদিংথানি লামায়াব

সিমাং জোঁনি অনখ' ৰিখানি
মুলুগখৌনো গোৰানো হানাযমানি
নাথায় মুগায়া থিনা আরো ৰিখায়া থোযা
অন্ধ্যায় ৰিখা জানো ৰিখ্ৰাযো বিদিংথায়।

বিৰাৰফোৱজোঁ বুংফহোনো সানো সোৱগিৰ্দিং
সাযা সাইক্সলুমনি থাখায় নাংগৌ ৰিফাংফোৱ,
সিমাংফোৱা ৰাইসেগ্ৰা আরো মোখথাঙ খংৰ্ৰা
জিউনি হাৰাখৌ মাৱনায়াব জোঁনি সানা দৌৰৈলাংগ্ৰোযো।

অন্ধ্যায়জোঁ দৈমা লুফাবনো সানো গোসোফোৱা
ৰালাহামানি কেৰুটাফোৱনো গোনাংথি গৈয়া,
নুনায সিমাংফোৱা গুবুন সাননি হাৰাফোৱা গুবুন
গোলাৱ লামায়াব ফিসা আৰ্থিনি আগানা আবোল নাংনায।

**গলাপ খুঁগুৱ ৰসুমতাৰী,
ক'ক্ৰাঙ্গাৰ।**

দাহা

বুজিস' হায়াৰ্ৰোমোন আং
নোঁনি মেগনি ফাব
খোনাসং হায়াৰ্ৰোমোন আং
নোঁনি গোসোনি ৱাব;
নোঁদি হোদোঁমোন আংনো লাঈজাম
মোজাং মোন্নাযনি খোথাবো।
বিহৰদোঁমোন নোঁ আনিসিম,
জিউনি জোৰথা সমায়।
গোসোআব হাংকুৱসে দাবদাবখৌ লানাই
থাহৈগোন আং নোঁখো নেনাই
ৱজোঁ আং হৰৈ মাৰুআব
জিউনি ৰৈ গোজোন ফুৱীয়াব।

**মুস্ৰি ৱিন্দাব ৰসুমতাৰী
গামি ১২নং ধুমকা ৰিসমুৱি
জিলা- কক্ৰাঙ্গাৰ বি টি সি (আসাম)।**

জাংখিথায়

আয়' ! মা ইসি দুখু
নাংথাৱ জাংখিথায় বেলায।
নাজাদোঁমোন নোঁ ৰ' হাৰিনি
গুলায গুজায়খৌ স্ৰাখালামনো,
নাজাদোঁমোন নোঁ গাবনি জিউখৌ
ৰাবনাই ৰৱনি ৰঙলেণ্ডখৌ
মোকথাঙাব লাৰোনো।
আখায়াব থসেল' জোঁনায
ৰনজাৱ লানাই সিগাংদোঁমোন নোঁ
ৰ ৱাদৰ আরো হাৰিনি লামা
দিনথিনো।
নাথায় হায়াৰ্ৰিসৈ নোঁ মাৰ্ৰাসে
সিনায় মোনৈ উদখাৰি ফোৱনি
আখায়াব আস'খান্দা জিউ
গাৱলাংৰায।
হায়াৰ্ৰিসৈ নোঁ ৰ ৱ হাৰিনি
ৰঙলেণ্ড সোৱজিনাই হোলাংনো,
নেৱসোন থাৰায সনানি হাংখোজোঁ
নোঁনি মুঙ ৰঙ'লেণ্ড
জাংখি খাংনাযাব।

**শ্ৰী সমেণ নাৰ্জাৰী
লা:সো:- ফাটগাব
জিলা- ক'ক্ৰাঙ্গাৰ বি টি সি আসাম**

হাৰিলা

নৈ অনসুলী ৱজোঁ ফাংদাং
নোঁনি সমাইনা মহৰাব আং
গোজাবৰায দাহাজোঁ লোগো
মোঁনৈয়াৱ ৱুং হৰৈ ফাৱসে।
ৱংগিনা ৱংগিনা বিৰাৰ ৰাৰিয়াব
নোঁদি ৰাৱসেল বিৰাৰ গোৰোঁনি
জাগোনদা নোঁ আনি অনসুলি ৱজোঁ
থৈস থাংস অৱায় সমনি।
নোঁখৌ লানাই সুজু দোঁমোন
দোঁসে সমাইনা ৱমাইনা বিৰাৰনি মালা
নাজাবগোনদা নোঁ আনি
সুজুনায বিৰাৰনি মালাখৌ।
গোজোন জাগোন আনি জিউআ
হোফৈযোৰোলা ৱজোঁ নোঁনি
অন্ধ্যায়নি থৰথিংসে থৈ
ৱানলাংনায সোলোৱাব আনি

**মুশ্ৰী মাধৱ ৰ'ৰ'
লা:সো:- ৩ নং দিহিৱা,
জিলা- ৰাগসা বি টি সি আসাম**

माराठा मिलिट्री लेन्डस्केपखौ इउनेस्क 'नि बुहुमनां दोरोडारि नेर्सीन फारिलाइआव सोफानाय जादों, दासिम मोन 44 सम्फथिफोरा गनायथि मोनबाय

गोदान दिल्ली, 12 जुलाइ: भारतनि माराठा मिलिट्री लेन्डस्केपआ इउनेस्क 'नि बुहुमनां दोरोडारि नेर्सीन फारिलाइआव सोफाजानाय आरो बेबादि गनायथि होजानाय 44थि सम्फथि जाबाय। बे फोरमायथिखौ गुबुन हादतआरि मन्थि एस. जयशंकरआ गावनि ‘एक्स’ एकाउन्टआव फोसावना होदों। बे हेरिटेज थावनिखौ 2024–25 मायथाइनि थाखाय मुं होनाय जादों, जाय माराठा खुंथायनि समाव खरं लुनाय आरो रौनिया मावथिनि आरिमुखौ दिन्थियो। 17थि आरो 19थि जौथायनि गेजेराव जौगाखांनाय बे आरिमुआ भारतनि जारिमिनारि उनमोन्थाइनि मोनसे जुनिया



बिथिंखौ दिन्थियो। बे फारिलाइआव साल्हेर, राजगड़, प्रतापगढ़, सुवर्णदुर्ग, शिवनेरी, लहागढ़, खन्डेरी, सिन्धुदुर्ग, रायगढ़, पंहेला आरो

बिजयदुर्ग बायदि महाराष्ट्रनि खरंफोरबो दं।तामिलनाडुआव थानाय जिन्जीनि खरंआबो बे फारिलाइनि बाहगो। बे रौनिया नुथाया ओन्सोलारि दाथायमोन,

जाय माराठा साम्रायजोनि मावखान्थिनि बिथा बानायदोंमोन। माराठाफोरा दावहा आरो रैखाथियाव गावनि दरखं, दैमाफोर आरो

अरनफोरखौ मोजाडै बाहायदोंमोन। गाहाइ मन्थि नरेन्द्र मदि आरो हारिमु मन्थि गजेन्द्र सिंह शेखावतआ महाराष्ट्रनि गिबि मन्थि देबेन्द्र फडणवीसजों लोगोसे इउनेस्क 'नि अवाल्द हेरिटेज फारिलाइआव माराठा रौनिया उनमोन्थाइखौ सोफादेरनायनि थाखाय हादरनि नोगोरारिफोरखौ बरायदों। बे गोदान दोरोडारि नेर्सीन थावनिखौ इउनेस्क 'नि फरिलाइआव सोफादेरनायनि उनाव भारतआव आथिखालाव गासै 44 मुलुग दोरोडारि नेर्सीन थावनिफोर दं, जायखौ इउनेस्क 'आ गावसोरनि जारिमिनारि, हारिमुआरि एबा मिथिंगागारि गोर्नाथिनि थाखाय गनायथि होदों।

लाहोने हायै। उन्दैनिक्रायने बखालि रुवाथि थाबोनाय सन्जिलाया दिने बे 13 (देरह’) माइलनि’ सिभम’ कम्पानियाव खामानि मावफैदों।महरखौथ’ मा बुंनो ! एसेबां गोसोमबो नडा, गुफुरबो नडा।गोजौ, मोखां दुलुर सोमज्रो ज्रो।बरनि फिसा बासिथावा।महर मोखाडा लाय मा, आखल आखुआ मोजांब्लानो जायो।खामानि दामनियावथ’ बिखौ फेजेनग्रा रावबो गैखाया।जेथिंबो साखा फाराखा। दोमैजों रायलायदावनानै बनि बिदि गोसो थोफेरनो रोडै गोलैं गोसोआबो मानोबा दोमैखौल सानबाय थाग्रा जादों।गोसो थोनायनि बिदैया बनि गोर्बोंआवबो हाबदों।मानोबा दोमैजौल’ रायलायनो, बिखौल’ नायनो लुब्रैग्रा जादोंसै।जौमोननि बिलिर नायाव हमथानो हायैयाव देहा मोदोम अर जौब्लाव बाय जावलिया बाराव गोजावलांबाय।गमामायै सानसे खालि सन्जिलाया दाद गोसो लानानै गोर्बौनि एंब्रानाय आव दोमैखौ लोगो हममारनायसै।गावनि गोरोन्थिनि थाखाय निमाहा बिनानै बायदि खोथा बाथ्रा सावराय लायदों।दोमैआ हास्थायनाय अनजालिखौ खाथियाव मोन्नानै एन्गारफिनगोन दाबि ? बे साननिफ्रायनो बिसोरनि मोजां मोनलायनाया सानफा एफा देर लांनानै, बारायलायनानै गोगोम गेरेमसा फांसे बिफं। बायदि जालांदों।बिसोर सानैजों कम्पानि सिंआव खामानि मावनायनि सुलुथै मोजां गाजि्र गोबां खोथाबो सावरायलायासै। माब्लाबो खामानि लुफाटि लानानै सिनेमा नायनो, टाउन बेरायथिनो थाडो।बिदिनो दिनेबो थांदाव, गाबोनबो थांदाव बिसोरनि लुबैदों गोसोआ गोमोन जालांदों।

अननाय आरो मोजां मोननायनि रोमो–रोमा निसाया दिनै दोमैन मेलेम आरो मेगननि नोजोरखौ आनलेर नुहोदों।मुलुकखौनो बावगरलांदों बियो सन्जिलानि मेगनजों नोजोर गेलेना।बिनि नयाव सानबोनाय मोनफ्रोमबो थांखि आरो सिमांयफोरानो फोरसा फोरसि खारखोमा जोबदों।दुखु नांदों बियो माब्लाबा माब्लाबा सान नानै बारि खनानि मैखुन बायदि जासै।नाथाय सन्जिलानि अननायाव बैफोर दुखु दाहाया बिरलांजोबदों।माब्लाबो फागुननि थिं–थिं सान्दुआबो दोमैन देहाखौ गुदुं खालामनो हाया आरो माब्लाबा दैज्लांनि जुब–जुब अखा दामब्रायाबो बिखौ फिसिनो हाया।सम–सम सानफ्लांदों।बियो गावनि खाफालनि रिफिनाय

पाकिस्तानाव बम बेरफ्रुनाय जाथायाव कहरिक-ए-तालिबाननि सासे कामान्डार यासिनआ जिउ गोमादों



पेशावर, 12 जुलाइ: पाकिस्ताननि खैबर पख्तुनख्वा ओन्सोलाव बम बेरफ्रुनायनि मोनसे जाथायाव तहरिक – ए – तालिबान पाकिस्ताननि सासे कामान्डार यासिन एबा आब्दुल्लाआ जिउ गोमायो।रिपर्टफोरनि बायदिब्ला, बे जाथाया तिराह हायेनाव बै समाव जायो, जेब्ला यासिनआ गंसे इूननि गेजेरजों बम लन्व खालामनो नाजागासिनो दडमोन।सुर्लुनि बायदिब्ला, बमआ सिगाडावनो गोरोन्थियै गोग्लैयो आरो बेरफ्रुयो,

जायजों यासिनआ जायगायावनो जिउ गोमायो।बे जाब्रबथायाव बिनि सानै लोगोफोराबो जोखोम जायो।बे जाथाया खैबर जिल्लानि तिराह हायेनाव जायो, जाय आफगानिस्ताननि सिमनाजों नांजाबो।बे ओन्सोला गोलाव समनिफ्रायनो उतखारि हाबाफोरनि गढ़ जादों।सुलुडाव फोरमायनाय बायदिब्ला, तिराहयाव टिटिपि, लश्कर– ए– इस्लाम आरो आन्सार–उल– इस्लाम बायदि उतखारि आफादफोर थानायनि जाहोनाव जेब्लाबो हिंसा आरो गुलि गावनायनि खौरांफोर

म्यानमारआव फोरेंथाइ मोन्नाय सानै उतखारिजों लोगोसे साब्रैखौ हमदों

इम्फल, 12 जुलाइ: इन्डियान सिकिउरिटि फर्स आरो मनिपुर पुलिस बिफानआ शुक्र बारआव म्यानमारआव फोरेंथाइ मोन्नाय सानै उतखारिजों लोगोसे गासै साब्रै उतखारिफोरखौ हमनो हानायनि खौरां मोन्नाय जादों।राइज् यो ना डै नो नायबिजिरसंनाय हाबाफारि सामलायनायनि गेजेरजों मनिपुर–म्यानमार बडारि ओन्सोलनि फाय उतखारिफोरखौ हमनो हानाय जादों होन्ना मिबथिनो मोन्दों।सेथि अपारेसननि गेजेरजों पिपुल्स रिभुलसनारि पार्टि अफ कांग्लेइपाकनि सोद्रोमाफोरखौ चेगमाइ पुलिस स्टेसननि सिडाव थानाय महारबिनिक्राय हमनो हानाय जादों।हमजानाय उतखारिफोरखौ सिनगाखाम सन्जय सिं एबा इरेम्बा (42), सोनाब इम्फलनि काडांबां पार्ट 2 नि आवां लाइकेइनि थागिबि होन्ना सिनायथिनो हानाय जादों।



उतखारिनि आखायनिफ्राय आधार कार्ड आरो पेन कार्डखौ बोखांनो हादों।पुलिसनि सुलुडाव फोरमायनाय बायदिब्ला, हमजानाय उतखारिआ म्यानमारआव 45 सानआरि गुदि गरिला फोरेंथाइ मोन्नायमोन आरो मनिपुरआव थानायनि सिगां उतखारिफोरजों दंफायोमोन।मोनसे स्नोद सुलुंखौ बिथा खालामनानै नायबिजिरसं हान्जाया प्रिपाक (प्र)नि सासे उतखारिखौबो काक्सिं जिल्लानि हियानग्लाम पुलिस स्टेसननि सिडाव थानाय वाबागाइ ओन्सोलनिफ्राय हमनो हादों।बे उतखारिखौ लैसाम्देम आतइबा एबा लैसां (21), काक्सिं जिल्लानि आवां लाइकेइनि हियामग्लामनि

थागिबि होन्ना सिनायथिनो हादों।उतखारिनि आखायनिफ्राय गंसे मबाइल फनबो बोखांनो हायो।बि उतखारिआबो म्यानमारआव गुदि फोरेंथाइ लाखांबायमोन।बेजों लोगोसेनो सिसियेलिस्ट रिभुलसनारि पार्टि (सरेपा)नि सानै उतखारिफोरखौबो काक्सिं जिल्लानि वाइकं पुलिस स्टेसननि सिडाव थानाय उमातेल ओन्सोलनिफ्राय हमनो हायो।हमजनाय उतखारिखौ आवां लाइकेइनि थागिबि सारुंबां नान्दा एबा जेटलि (49) आरो लाइस्राम आंगौवा मैइतेइ एबा लिक्लाइ (46) होन्ना मिबथिनो मोन्नाय जायो।बिसोर उतखारिफोसनाय गनै मबाइलबो बोखांनो हानाय जादों।

दोमै आ **दिनै** सो उनदाह। खालामदों गावनि संसारखौ लानानै, गावदि मानो बेबायदि जेंनानि मोगा मोगि जानाखो।माबा बियो गावखौनो खोमसि खोमसि गोथौ बेहेराव गाब्रनाय बायदि मोन्दोंसै। बे 13 (टेर’) माइलनि आइरण फेकटरि फोरानो बनि गोसोखौ लहा बायदि गोरा गुबुंले खालामदों।बिखायनो बनि गोरलै गोसोआ इसेबो सानस्लिंनो हायाखिसै। जानांगौ माबा मोनसे मोननांगौब्ला माबा मोनसे गोमानांगौ जायो।बाश्चानि सानश्थिखौ नोजोर बोयोब्ला नुनो मोनो आरो हमदां मोनो बांसिन सुबुंआ नों बेबायदि जाथायनि मोगा मोगि जानाडो।बिमा–बिफाखौ, बिदा सानैखौ बियो बेसेदि गावनो बुजायदोंमोन बोसोन होदोंमोन। नाथाय दा गावसो बनि उलथायै बेबायदि जाथायनि दोहौआव गोदोबाय, गोदोनांबाय। बियो एसेबो सानसनो हायासैदि– गाव बबे लामाजों फैखो आरो मानो फैदों! मानोना गावनो मोनथिखागौमोन बिदा सानैनि जिउनि संसारखौ।माब्रै बिसोर संसार जादों आरो जानांदों। गावसोरनि ननि अबस्थया मा बायदि आरो गावनि फरायनायनि मोनदांथिनि थासार।

बिमा बिफानि थामथि फिसाला आरो जोबथि मिजिंक बे दोमै गयारिआ। दाखाय– दाखाय फिसा हिन्जाव नायगिरसेयावबो बिसोर मोनाखिसै।दुखु दाहा सहाय बोनाय दोमैन बिमा बिफाया दोमैखौनो जोबथि मिजिंक लादोंमोन। कष्ट खालामनानैब्लाबो उन्दैनिक्राय फरायहोदोंमोन आरो दोमैयाबो फरायबोदों सम बायदियै बियो लेखा फराबो रोंबोदों, सानदांनो हानायबो जाबोदों।गावनि बरादिनि खोथा मा बुंनो कुनुरोखोमै मेट्रिक आनजादआ लाखि– फरायनो मोनबोनाय दोमैया गावनि जिउनि राहा नायगिर दिंदों, नागिरनांदों।लामा नागिरनांदं बियो थांनानै थानायनि। गावनि जिउ आरो नखरखौ गोगोम खालाम नायनि।आथिखालनि मुगायाव साखि्रखौलाइ बबेयावथो साफ्रोमाबो मोनजोबनो! फरायनायाबो मेट्रिकल’ पास आरो साखि्र नागिरनोबो नखरनि लोरबां हालोद। इसेबो खाबु मोना बिफोरखौ सानर्दिनायनि।थेवब्लाबो नाजादों बियो ओजों हाया हजों राहा नागिरंथिबायदों। 13 (टेरह’) माइल।मोनसे लहा

फेकटरनि मैखोम जायगा। बेखिनि ओनसोलआ आसाम हादरसाखौ बारलांनाय मेघालय हादरसायाव गोग्लैयो मानि आसाम आरो मेघालय सिमा।जरहातनि खोलाहाथिं सोरगिदिं हाजो बेंखननाय गोम–गोम जायगा।गोखों लह। दिहुननाय आरो चिलिकन दिहुननायनि मेरु जायगा। गेदेर गेदेर कारखानानि फुंखाफोर।बे जायगायानो दोमैनि जारिमिनारि गिबि दावबायना।सोमखोर मिथिंगानि नुथाय बे ओनसोलावबो सोमोनांथाव आरो गोमो हाबथाव।हाजो–हाला, दैमा–दैसा, निज्रा–निजि्रि गोजौ– गाहाय गाखोलाय– ओंखारलाय खोलो–खोलो सुदेमु गोहैलो बारग्रा जायगा।गोजौनिफ्राय गाहायसिम दैमा–दैसानि बाज्ल’ बाज्ल’ बोहै खलाय लांनायखौ बागुरुमबा मोसानाय बायदि नायबाय थाफ्लांनो गोसो जायो।बेबायदि समायना जायगा गिबि आगान होजेननाय आवनो दोमैया गोसोखौ लाश्र’ लायनो हायै खुसि जादों जेन’बा बियो मानसिया नुहैयै थैब्लासो नुनाय बै सोरगोफुरि खोमा होनना सानफ्लांगांरदों;सानबो लावरि रायजोआव दसेगाखोहैदों।जोनोमाव समायना जायगा नुजेननाय बिनि गोसो गोर्बोंआ खुसिजोंनो बबाव थागोन बबाव मागोन मोन्दों।सानफ्लांगांरदों बियो सिनेमा फैसालियाव नुनाय समायना नुथायफोरा बेफोरनो जानांगौ इसोराबो बिदिनो दाबफा जायगा सायखनानै हरोखोमा। नडाब्ला मानिथो एसेबां समायना जायगा।आंबो बे ओनसोलनि जानायमोनब्ला आरोबाव बनिखुइ बेसेबां मोजां जायगा नुबावगौमोन।बिनि लुबैसुला गोसोआ मिथिंगानि बायदि रोखोमनि नुथायफोरखौ नुनानै आरोबाव बनिखुइ समायनासिन जायगा नायनो लुबैदों।बियो गाव थाखोआव फरायबोनाय जहन कितसनि इयारलिस्प्रिं इन दि मरनि खन्थायखौ रोमै रोमै गोसो खांलांदों।नाथाय बिफ ेरखौ साननानैलाय माब्रै बेबायदि गोजोन सुदेम जायगायाव थानो मोननो।

दोमैन बे जायगायाव फैनायनि थांखियाथ’ मिथिंगानि समायना नुथाय नायनाय नडा।रांसो खामायनाय, लेबार मावनाय।जाय रांजोंनो सुखु गोजोन।बे बायदि सोमखोर मिथिंगाखौबो रां थायोब्ला सानसे नायर्दिना दावबायनो हागोन। बिदि बायदि सानथायजों बियो गोसोखौ बुरखायबोदों। “सिभम” आइरणएण्ड सिल कम्पानि एलटिजि गंसे लहानि गोखों कारखाना।सिंआव हाबोब्लानो गोसोखौ हिलुं–गिलुं, जाहां–जाहां मोनो।दोमा बे कम्पानियावनो खामानि मावनो लादों।कम्पानि सिंआव होंगो दोंगो खामानि मावनाय।हौवायानो जा हिन्जावआनो जा गावबा गाव खामानि।बिभाग लायै बिभाग।बायदि हारिनि सुबुंजों बुंफबनाया।औरैनुब्लाबो जों फरायनायाव मोनबोखादों– भारत हादरआ गंसे हारि बासियै, धोरोम सायखयै गलाय मोन्देर।दोमैया दिनें बे कम्पानियाव खामानि मावनानै नुमार बाय मोनथिमारबाय।बिहारि, नेपालि, असमिया, मुसलमान, बर’, राभा, गार’, खासि, बायदि बायदि हारिनि मानसिनि रायलायनायजौ मौ–बेरे फोरनि बायदि बुं–बुं।हौवाफोरा हौवाफोरनि खामानि मावदों।खायसेया सर’ खायसेया गोब्राब।दोमैया भाडा–सिडा गोबाय–गिजि बुथुमो।दाबसेनिफ्राय खनखांना नोनहैनांगौ।खामानिया गोब्राब दनाह, हिन्जावफोरनिसो खामानि बुंजायो।बिजों लोगोसे गोबां सिख्लाफोराबो एखे खामानिखौनो मावो।15 (जिबा) दिनसो जाबाय दोमैया खामानि मावनाया।नाथाय मा सोमोनांथाव खोथा !बिनि मेगननि नोजोराव गेलैफैदों सासे अनसुलि मायनाव मुहुनि फोनांदों हायना सारफ्रावदों बिनि महरनि नुथाया दोमैन गोसो गोर्बोंआव।नुग्रो मोना बिनि गोर्बों इंसिंआ मानोबा बै आयजोनि फासै आवगाय लांदों।माबा आंगो आंगो बायदि सान्दों बियो।फरायफुनाय समावबोथ’ गोबां सिख्लाफोरजों लाब गेलेबोबाय;थेवब्लाबो एसेबां सिरियास लायमोन दोमैया।नाथाय दिनें बियो नुजेन मोना

हारसिनो आंगो आंगो बायदि सानफ्लांदों।गावनि असे खालामनो गोसोआ हास्थायदों।गोर्बोंआ रायथिना लानो एगुथुबाय थादों।मानोबा गावनो थांखिखौ बावगरलांदों।: समजिला मा खालामदों? : आंनि मुंखौ बौरै मोनथिखो नों? : थोद जाम्बि! नोंखौ आं नुजेननायनिफ्रायनो नोंनि आबुं बिथंखौ (एट्रेस) लाखादों।नोंसो आंखौ इसेबो मोनथिया जानांगौ।: नोंनि बिथंआवलाय आदा? : आं दिनें गयारि।बागसा (बरपेटा) डिस्ट्रिक्नि।गामिया भगपुर।नों गाजि्र मोनाब्ला फंसे बाश्चा बुंगौ मोन आं सन्जि? : बुंग्रोदों! बुंनायखौ खोनाब्लासो गाजि्र मोन्नाय, मोजां मोन्नाया फैयो।माथो गिनांगौ दं?

: गोसो गोर्बोंआ थिननाय बाश्चाखौ बुंआब्लाबो जाया।दैमा थैयो, रेगा थालाडो।थायगिर बिखंआ खंबा;सिजौनि सिरिया सिरिबा।बर’ बोरायनि आसाराबो मोनबा।आंबो नोंखौ दिनैजों लोगो मोननाया खनबा।नों आंनि बाश्चाखौ हमदां हादोंदा? आंनि गोसो गोर्बों आदि मानोबा नोंखौल’ हास्थायदों।नों आंजों गोसो गोरोबसे जानो हागोनदा? गोर्बोंजों आं नोंखौ मोजां मोनो सन्जि।

थेद बिदि बुंनो हामा आदा।

आं लाजियो।मोजां मोन्नाया

मा आं बिफोरखौ इसेबो मोनथिया।मोजां मोनलायनो आं

बेवहाय फैदों।बिदियाव आं

नोंजों बौरै गोसो थोलायनो दोमैदा।

नों आंखौ बिदि साननायखौ गार।

: बिदिब्ला सन्जि नों आंखौ.....।सन्जिलाया टंलानि

आमगुरिनि।बिमा बिफानि नैथि फिसाजो।हावरिया बिमा

बिफाया हा–हु दब्लायसेबो गैजारोडा।खालि थानाय

बिताल’।बिखिनि बिथायाव नो थानानै थोव्ले–माव्ले संसार

जाबोदों।बेसेरा बिमा बिफाया बिसोरनि उदैखौ सुफुं नो

थाखायनो सान मिथिया हर मिथिया,सान्दु गिया अखा गिया

बायदि रोखोमनि खुफुं खालामबोदों फेदेरबोदों,

फोलावबोदों दुखु दाहानि गेजेरजोंब्लाबो।नाथाय मोनसे

दुखुनांथाव खोथाया जादों–फिसाफोरखौ सोलोंथाय

दरंआव लुजानो गोनां फाहामथाइ फरायसालिमानि बिथांखिसालिखौ गिबि मन्थिआ नायसंफैदों

ओन्सोलआव फेनानै थांखिलाइ लाजानाय बिथांखिसालिनि जायगाखौ नायसंफैदों। बेनि उनावनो गिबि मन्थि ७ शर्माआ नुजाफेनाय खौरं बिजोंनि सिगाडव बुंदोंदि, फैगौ 8 सेप्टेम्बर्नि थांखिलाइ लाजानाय आसाम दावबायनाय समआवनो गाहाइ मन्थि नरेन्द्र मदिआ दरं जिल्लानि पुनियाआव गंसे गेदेत फाहामथाइ बिथांखिनि अन्थाइ खाम्फाखौ गायसन्नायनि मिर्जि दइ। बिथाड लोगोसे बुंदोंदि, गाहाइ मन्थि मदिनि गेजेरजोंनो बे मोनसे जायगानिफ्रायनो ब्रह्मपुत्र दैमानि सायाव नारंगी-कुरुबा फोनांजाब दालां आरो गुवाहाटी रि रइ बिथांखिनिबो अन्थाइ खाम्फा गायसन्नायनि बिथांखिखौ आजावना लादों। गिबि मन्थिआ फोरमायदोंदि, बे सानखालि गासै 8 रोजा कौटि रंनि बिथांखि लुनायनि खामानिखौ दरंनि पुनियानिफ्राय गाहाइ मन्थि मदिआ गोथारै बेखेवना होगोन। गिबि मन्थिआ लोगोसे बुंदोंदि, सनितपुर जिल्लानि बाहागो जानाय समआव दरंआ दरसे महकुमासोमोन। इयुन समआव जिल्लानि मान मोन्नायनि उनाव सनितपुरबादि मोनसे ओन्सोलआबो गंसे फाहामथाइ फरायसालिमा लुनायनि बिथिडव सिगांदों। बेनि अनगायैबो बाइपास लुनाय बायदिजों लोगोसे गुबुन-गुबुन जौगाखाडारि खामानिफोरजों दरंआ मोनसे गोदान महर मोनमोन होन्नानैबो बिथाडा बुडें। गिबि मन्थिआ दरंआव सोलिबाय थानाय बे गासैबो बिथांखिखौ गोख्रै मावफुंनायनि बिथिडव जिल्लानि थागिरिफोरनि हेफाजव होंखरायदों। उदालगुरि जिल्लाआवबो गंसे फाहामथाइ फरायसालिमा गायसन्नो सानखोंबाय थानाय जादों होन्ना मख 'नानै बिथाड लोगोसे बुंदोंदि, फाहामथाइ फरायसालिमा गायसन्नो थाखाय सायख 'नाय जायगायाव थानाय गेदेत बिफांफोरखौ गोनांथि जायाब्ला दानफायैनि थाखाय सोमोन्दे गोनां बिफानखौ बिथोनमा होदों। गुबुन फारसे थांखिलाइ लाजानाय बिथांखिसालिआव थानाय चम बिफांफोरखौबो गुबुन जायगाफोरव लांनाने गायनाय जागोन होन्ना बिथाड बुडे। गिबि मन्थिआ लोगोसे फोरमायदोंदि, 8 सेप्टेम्बर्नि थांखिलाइ लाजानाय आसाम दावबायनाय समआव गाहाइ मन्थि नरेन्द्र मदिआ नुमलिगइआव मोनसे हाबाफारियाव बाहागो लानायनि मुडव सान्जौफु समआव मंगलदैआव दावबायफैगोन। बेनि अनगायैबो बिथाड बे आसाम दावबायनाय समआवनो भारतरत्न ७ भुपेन हाज 'रि'कानि जौसे बोसोरआरि जोनोम सान हाबाफारियावबो बाहागो लाफैगोन होन्ना गिबि मन्थिआ बुडे। गिबि मन्थिनि बे नायसंफेनाय समआव एमपि आरो बिजेपि, आसाम प्रेदशनि आफादगिरि दिलीप शइकीया, एमएलए ७ परमानन्द राजबंशि, दिगन्त कलिता, बसन्त दास, आसाम ना जौगाखां निगमनि मासिगिरि गुरुज्यति दास, जिल्ला बेंगिरिजों लोगोसे माखासे गोजू थाखोन बिबानगिरिफोर बाहागो लाफैदों।

कक्राझारआवबो दुलाराइ आसाम माइनरिटि फरायसा आफादआ हेंथा सोमावसारदों

सरकारनि बिथोनाव राइज्योनि गुबुन-गुबुन ओन्सोलआव सोलिबाय थानाय होखारस्नांय हाबाफारिखौ हेंथा होन्नानै आमसुनि दैदेन्नायाव दिनै राइज्यो नाडैनो लोगोसे बिटिसिनि सदर कक्राझारआवबो गोखोडै हेंथा सोमावसारनाय हाबाफारि लादों। कक्राझार जिल्ला आमसुनि बान्जानयायाव कक्राझार सोहोरनि गान्धी पार्कआव 100 निबो बांसिन् आमसुनि मावफारिया-सोद्रोमाफोर आरो हेफाजाबगिरिफोर आखाइयाव प्लेकार्ड-पेस्टुन बेनार बायदि लानानै बिजेपि सरकार हाय-हाय, होखारस्नांय हाबाफारियाव होखारजानायफोरखौ फिन फसंफिन्नांगी, आमसु जिन्दाबाद बायदि स्लगान होन्नानै गोख्रोडै हेंथा सोमावसारो। नाथाय जिल्ला खुंथाइनि गनायथि गैयाजासे बेबायदि हेंथा सोमावसारनाय हाबाफारि खुंनायनि थाखाय पुलिस खुंथाइया आफादनि मावफारिया-सोद्रोमाफोरखौ होखारस्नांदोंब्लाबो आफादआ जिल्ला खुंथाइनि गेजेरजों गाहाइ मन्थि नरेन्द्र मदिनो राइज्यो सरकारआ होखारस्नांनय हाबाफारि लानायखौ बन्द' खालामनायजों लोगोसे न' गैजायै जानांनयफोरखौ फिन फसंफिन्नाय खालायनानै गंसे गोसोखां बिलाइ थायायो। दिनैनि हेंथा सोमावसारनायखौ दैदेन्नाय आमसुनि लोगो गाहाइ नेहाथारि आमिनुल इस्लामआ उनाव खौरं बिजोंनि सिगाडव थंनाय माखासे सान नाडै राइज्योआव राइज्यो सरकारआ लान्थ्रियै सरकारि हाखौ लान्दां खालामनो थाखाय जैर्बायदि होखारस्नांनय हाबाफारि लाबोदों, बेयाव आमसुनिफ्राय गोदानै बुंनो गोनां जेबो गैयाब्लाबो गोखों बिर्दु दुंखावनाय सान्दु आरो अखा हानाय बोथोरआव सुबुंफोरनि सायाव जैर्बायदि उदखार खालामनाय जादों, जर'खायै गथ 'सा-आइजोफोरनि सायाव जैर्बायदि उदखार कालामनाय जादो बेनि हेंथायै दिनै बेबायदि हेंथा सोमावसारनाय हाबाफारिखौ खुंनाय जादों होन्ना मिबथिहोयो। बिथाड लोगोसे बे सरकारि गनायथि जानाय फोरसान बिवाइ थानायनि उनावबो भारतआरि नोगोरआरिखौ आयेन बरेखा नोगोरआरि महरै जैर्बायदि रहा लादों। फरायसा दैदेनगिरिया थाबैनो बेबायदि होखारस्नांनय आरो आयेन बरेखा नोगोरआरिनि मुडव उदखार खालामनायखौ बन्द' खालामाब्ला गावसोरबो जिरायनानै थाया होन्ना रोखा खालामना होयो। लोगोसेनो फरायसा दैदेनगिरिया होखारजानायफोरखौ सरकारआ फिन फसंफिनाब्ला फैगौ सानआव दिल्लीआव लोगोसे माहारियारि रजा लामा, रेल लामा होबथानानै राइज्योआव सोमावसारनाय हाबाफारि लानाय जागोन होन्नानैबो हुमखि होदों।

भबानिपुर खोन्दोआरि गुदि सावस्त्रि मिरुखौ गुबुन जायगायाव लांनाय जानाय नडा: रन्जित कुमार दास

सोमावसारनायजों लोगोसे गोखों सुबुं खान्थियारि सोमावसारनाय सामलायबाय थानाय समवनो आसाम सरकारनि केबिनेट मन्थि रन्जित कुमार दासआ समाजआरि बिजोडव भबानिपुर फाहामसालिखौ जायखि जाया रहानि थासारियावबो जेरावबो सोलायनानै लांनाय जानाय नडा होन्नानै फोसावो। लोगोसे मन्थिआ फिन फोसावफिन्दोंदि, सिगाडव एपरइसएमनि सिडव थानाय फाहामसालि थाखोआव थानाय बिपिएम एबा ब्लक प्रग्राम मेनाजार मासिआसो बे समनिफ्रायनो बियाबनि थागिदायाव जानायजों लोगोसे मोनफ्रोमबो बिधान सभा बियाबआवनो मोनफावै बिपिएम मासि थागोन होन्ना फोसावो। बेजों लोगोसेनो दुलाराय राइज्योआवनो जागायजेन्नाय बे रहाजों मरिफ एबा फाहामगिरिनि जेबो लोब्बा गैया होन्ना मख 'नानै मन्थि रन्जित कुमार दासआ बे बिथिडव राइज्योफोरखौ रावजोंबो दैदेनजानो नाड होन्ना खावलायनायनि उनावबो दुलाराय भबानिपुर ओन्सोलनि राइजो-रजाफोरनि गेजेराव जाथाइ-फिनजाथाइ सोमजियो। बे बिथिडव जर'खायै भबानिपुर आन्सलिक युव सत्र परियद आरो भबानिपुर सावस्त्रि मिरुखो गहामै लाखिनांगी दाबि समिटिआ आलादा-आलादयै खौरं बिबुंसारनि गेजेरजों मन्थिनि बे बिबुंथिनि हेंथायै बाश्ना फोरमायदोंदि, भबानिपुरि राइजो-राजफोरा माल्लाबाबो फाहामसालिखौ गुबुन दाबसे जायगायाव लांगोन होन्ना सोमावसारखै। बेनि उन्थायै भबानिपुर खोन्दो गुदि फाहामसालिखौ बरपेट रड एफआरउडजों फोनांजाबनो नागिरनाय खामानिखौसो हेंथा खालामनायजों लोगोसे सुबुं खान्थियारि रहाजों सोमावसारदों होन्ना फोरमायदों। लोगोसे भबानिपुर सावस्त्रि मिरुखौ लाखिफिन्नायनि दाबि समिटिनि मावफुं आफादगिरि रजिव बायन आरो गाहाइ नेहाथारि द्रुबज्यति देकाआ मन्थि रन्जित कुमार दासनि बेबायदि बिबुंथिखौ रोखायै सोंखारिदों होन्ना मख 'नानै खौरं बिबुंसारव फोसावदों। भबानिपुर खोन्दोआरि गुदि सावस्त्रि मिरुखौ बरपेट रडआव लांहोनाय जानाय नडा होन्ना रोखा रावजों खौरं बिबुंसारनि गेजेरजों फोरमायथिदों।

बर' राव हरिमुखौ फोजौखानायाव बर' साहित्य सभानि बिहोमाखौ बुंनानै फोजोबनो हाया: प्रमद बर'

गसाइगव हाबुबिल नेपालपारायाव लुफुंजानो गोनां बर' साहित्य सभानि जिल्ला मावख 'नि लाइखुन्थिया गाइसनजेन्नानै प्रमद बर'आ 1952 माइथायनिफ्रायनो बर' साहित्य सभाया बर' रावखौ फोजौखानायजों लोगोसेनो बर' कृष्ठी हरिमुखौ मुलुनानाडैनो फोसावनायनि गेजेरजों बर'फोरनि माहारियारि सिनायथि आरो थामोन्थाखौ फोथानानै लाखिनो थाखाय थोजासे खामानि मावबोदों होन्ना फोरमायो। तामुलपुराव खुंफुंजानाय बर' साहित्य सभायाव राइज्योनि गिबि मन्थिआ गुबुन गुबुन ओन्सोलआव बर' साहित्य सभानि भवन लुफुंनाय जागोन होन्ना बुंदोंमोन आरो लासै लासै बे पाण्डुखौ बयनोबो हरनाय जाबाय होन्नानै फोरमायदों। बर' साहित्य सभानि थाखायनो बर' रावआ दिनै मोनसे जुनिया मासि आवग्रिनो हादों। बेनिखायनो बर' साहित्य सभानि गोनांथिनि फारसे नोजोर होनानै बिटिआर सरकारनिफ्राय 50 लाख आरो गिबि मन्थिनिफ्राय 50 लाख रं बर' साहित्य सभानि भवन लुफुंनो थाखाय होनाय जागोन आरो बे 1 कौटि रंजो भवनखौ साबना-हाबनायै लुफुंगोन होन्नानै फोरमायबावदों। बेजों लोगोसेनो फैगौ बिटिसिनि बिसायख 'थियाव इर्पपिप्लएआ मोन 40 बियाबआवबो देरहानायनि थाखाय खामानि मावगासिनो द होन्ना फोरमायनानै दोलोआरि थांखि लाखांनयनि उनाव मोनबेसे बियाबआव दोलोआ बादायगोन बेखौ फोसावनो थाखाय गोबां सम दंवाबो होन्ना मिथिहोदों। जौ मोनसे मोजां थासारिनि फारसे दावगालांगसिनो दइ। जौनि दोलोआरि मावफारियाफोरजों लोगोसे राइजो-रजानि गेजेराव थोजासे मिर्जि आरो खामानि मावनायनि मोनसे थुलुंगाखां थासारिखौ नुनो मोन्दों। थंनाय 5 बोसोराव गासैबो राइजो-रजानि गेजेरवनो नोजोर होथावना सान्खियारि थिसनजानायखौ नुनो मोन्दों। बे बिसायख 'थिया आलो गोजोनै आरो गोखों नेम खान्थिनि गेजेरजों खुंफुंजागोन। सिगानि समाव थानाय बायदि जैरै गिनाय, हुमखि होनाय, हिंसा, बुथारायन बायदि बायदि थासारिया आर्थिखालआव सोलायनानै मोनसे गोजोन आबहाबानि गेजेरजों गावजों गाव बिदा फंबाय गोरोबलालयनानै बिसायख 'थि गेलेनो हागेन। जायनि फाहामनि बिसायख 'थियाव आबुं गोगो सुबुं खान्थिनि आबहावा नुनो मोन्दों होन्ना फोरमायबाबो। बेजों लोगोसेनो राइज्योनि गुबुन गुबुन ओन्सोलआव सोलिबाय थानाय सरकारि हायाव बेदखल खालामग्राफोरखौ होखारनायजों लोगोसे लोब्बा लाखनानै बिटिसिनि बेदखल हायाव होखारस्नांनय सामलानयानिनि सोमोन्दे खौरंगिरिफोर सोंथि सोंनयनि फिन्नायाव बर'आ फोरमायदोंदि, सरकारि हा दखल खालामग्राफोरनि फोरमायथाइआ जौनि आखायाव दंब्लाबो होखारस्नांनय बायदि जाथाइजों सुबुंथियारि नोजोर फांफानानै थायो आरो मोनसे नायनो हाथावयै थासारि सोमंजिहोयो। बेफोरनि सोमोन्दै फंकाय थानाय सम्मफोरव सान्नाय जागोन। राइज्योनि गिबि मन्थिजों बेनि सोमोन्दै सावरायनाय जाबाय होन्ना फोरमायनानै बड'लेण्डआ सिलाइ, बारुद, हिंसानि थासारिनिफ्राय मैया दाखालैसो उदां जादों। बे बायदि थासारियाव गुबुन जायखि जाया गिखंथाव जाथावथारै थासारि सोमंजिहोनायखौ जों माल्लाबाबो लुबैया होन्ना बर'आ रोखा फोरमायथिदों। लाइखुन्थिया गाइसनाय हाबाफारियाव बर' साहित्य सभानि आफादगिरि ७ सुरत नाजरी, गाहाइ नेहाथारि निलु कान्त गयारीजों लोगोसे एमएलए जिरन बसुमन्तारि, मावफुं सोद्रोमा उखिल मुसाहारि आरो बर' साहित्य सभानि मावफारिया सोद्रोमाफोराबो बे हाबाफारियाव बाहागो लायो।

लवार आसाम साउन्ड ए्स 'सियेसर्ननि जथुम्माया जागायजेनबाय

फिरिफिलाखौ बिरहोगोन आरो मुंखर्लनि खाम्फायाव मान बाउनायजों लोगोसे सान्जौफुआव मोनसे गेवलां मेल खुंफुंनाय जागोन होन्ना फोरमायदों। गेवलां मेलआव गाहाइ आलासि मरिफ बिटिआरिनि गाहाइ मावफुं सोद्रोमा प्रमद बर' आरो ओन्सोलनि एमएलए लरेन्स इस्लारिजों लोगोसे गौथुमनि गोबां मावसुमाफोरनो बाहागो लागोन होन्ना फोरमायदों।

गोदान दिल्लीयाव महाराज नरनारायणनि मुडव अरायथा आलासि न'ब्लां लुफुंनो कच राजबंसि जौगाखां परियदनि दाबि

फोरमायनानै गोदान दिल्लीयाव महाराज नरनारायणनि मुडव अरायथा आलासि न'ब्लां लुफुंनो थाखाय जाहाते जोबथा बाजेटआव थांखि लानाय जायो बेनि थाखाय गोसोखांलाइ गथायो। सरकारजों सावरायनाय बायदियै कच राजबंसि हारिनि कुसान बैसागु मोसानाय दिन्थिफुंनायनि रहा खालामनानै मुलुगनि दरखंआव सिनायथि होनायनि रहा खालामनो खावलायो। थंनाय समफोरव कमता रत्न अमबिका चरन चौधुरीआ गावनि थंनाने थानाय समावनो सम्मिलननि मावफुं समसिनि गोबां से बिजाव दिहुनदोंमोन। बे बिजाबआ गोबां गियानजों बुंफबनाय बिजाब। बेनिखायनो बिजाबजों लोगोसे कमता रत्न अमबिका चरन चौधुरीनि लिर्शथिफोरखौ जमा खालामनानै गांसे बिजाबनि महर होना फोसावनायनि बिथिडव गोनांथि होनायनि थाखाय गांसे गोसोखांलाइ गथायनायनि गेजेरजों कच राजबंसि जौगाखां परिषदनि सोद्रोमा दुर्बासा महन रायआ गेवलायदों। मख 'नो गोनादि, 1912 माइथायाव दाफुंजानाय कच राजबंसि सम्मिलननिया 1967 माइथायनिफ्रायनो जुजिबोनानै जनजाति खालामनो दाबिनायजों लोगोसे मोन 7 दफनि दाबिजों दिल्ली आरो दिसपुराव खावलायबोगासिनो दइ। बेनि गेजेराव कच राजबंसिफोरनि थाखाय गासैबो सरकारि बिफानफोरवनो थान्दै आरो सरेखाथि होनो दाबिनाय जादों।

आमसुनि हान्जा सुरुनाय सोमावसारनायखौ पुलिस बिफानआ हेंथा होदों

राइज्योआव सोलिबाय थानाय होखारस्नांनय हाबाफारिखौ सुबुंथिनि बेरेखा बिम्नु होनानै बाक्सा जिल्ला आमसुआ हेंथा सोमावसारनायखौ बाक्सा जिल्ला पुलिस बिफानआ गोख्रोडै हेंथा होयो। बाक्सा जिल्ला आमसुआ दिनै भकुवामारिनिफ्राय आनान्द बाजारसिम होखारस्नांनयनि हेंथायै हान्जा सुरुनाय सोमावसारनायनो बाश्ना द्रोमोनब्लाबो सिगानिफ्रायनो साखा फारा जुरानै थाखानाय मोनसे पुलिसनि गेदेरि हान्जाया आमसुनि दैदेनगिरिफोरखौ गोख्रोंडै हेंथा होयो। लोगो लोगोनो मोनसे दुंहाव थासारि सोमंजियो। हान्जा सुरुनायनि थाखाय फैनाय आमसुनि मिरु दैदेनगिरि साइफुल इस्लाम खान, आबदुर रहिम, बाक्सा जिल्ला आमसुनि आफादगिरि साहादत हुसेइन, नेहाथारि नुर नबि आरो आसुर उर्दइनजों लोगोसे आमसु दैदेनगिरि मावसुमाफोरखौ बेंथना लाखिनानै हान्जा सुरुनायखौ होबथायो। सालबारि महकुमा पुलिस बिफानगिरिजों लोगोसे पुलिस आरो कामाण्ड'नि मोनसे गेदेस्थार हान्जाया आमसुनि हान्ज सुरुनाय हाबाफारिखौ हेंथा होयो। बेनि गेजेरवनो मोनै हान्जानि गेजेराव नारखां-नारसि, बादा-बादि थासारि सोमंजियो। आमसुनि मावसुमाफोर आसाम सरकार हाइ-हाइ, आसाम पुलिस मुर्दाबाद, सुबुंथिनि बेरेखा होखारस्नांनयखौ बन्द' खालाम बायदि स्ल'गान होनानै ओन्सोलखौ गोमखां होयो। हाबाफारियाव नुजाथिनानै मिरु दैदेनगिरि साइफुल इस्लाम खान, आबदुर रहिम, बाक्सा जिल्ला आमसुनि आफादगिरि साहादत हुसेइन, नेहाथारि नुर नबित आरो आसुर उर्दइनआ होखारस्नांनयखौ बन्द' खालामनायनि दाबियाव दिल्लीयाव सोमावसारनाय हाबाफारि फोसावसेयावबो होखारस्नांनया बन्द' जायाब्ला आमसुनि जिरायनानै थायालासेनो गिखंथाव मोनसे सोमावसारनाय हाबाफारि सामलायनायजों लोगोसेनो फैगौ 2026 बिधान सभा बिसायख 'थियाव बिजेपि हान्जाखौ गोख्रों फिनजाथाइनि गेजेरजों फिन्नाय होनो हुमखि होयो। सोमावसारनाय हाबाफरिनि जोबनायाव होखारस्नांनयखौ बन्द' खालामनाय, होखारजाग्राफोसो ख'हा सुफुंथाइ होनाय आरो फिन फसंथाफिन्नायनि रहा होनायनि दाबियाव सालबारि एर्डिस बिदिसा बरानो गांसे गोसोखांलाइ गथायो।

गिबिसिन् सुमोन्थाइ लाखांनायनि उनावबो फरायसाफोरा बिजाब मोनैनि अजद

सिंह आरो आसानि मिरु फोसावदिं नेहाथारि मानसुक सानकारिकाआ बाक्सा जिल्ला सोलौंथाइ बिफान एबा फरायसालि नायगिदिंगिरि जाहेरुल इस्लामि फेलें जानायखौ फोरमायथिनानै होयो। खौरंगिरि मेलआव बाक्सा आरो तामुलपुराव जिल्लानि फरायसा-फरायसुलिफोरनो बिजाब जगायनानै होनो हायाखै। फरायसा-फरायसुलिफोर बिजाब गैयालासेनो सुमोन्थाइ आन्जादआव जिरायनांदों होन्ना मख 'नानै फरायसालि नायगिदिंगिरिनि बेबायदि फेलें जानायनि हेंथायै सानै दैदेनगिरिया खुद्रिखांदों। फरायसालि नायगिदिंगिरिनि लेहेमिया आखुनि थाखायनो फरायसा फरायसुलिफोर बिजाब गैया लासेनो आन्जाद होनांनय जाथाइखौ फरायसा आफाद मोनैन्आ गोख्रों रावजों सोंखारिदों। खौरंगिरि मेलआव कपिल देव सिंह आरो मानसुक सानकारिकाआ फोरमायनाय बायदिब्ला जुन दानाव गिबि सुमोन्थाइ आन्जादआ खुंफुंजालांबाय। बिजाइ गोबां फरायसालिफोरवनो फरायसा-फरायसुलिफोर दिनैसिमबो नाथव मोनोनो हायाखै। फरायसा-फरायसुलिफोरनि इयुन जिउखो लानानै खेला गेलेदों। बे जाथाइआव जाय फरायसालि नायगिदिंगिरिया लोब्बा दइ बिनि सायाव नायबिजर्सनांगी मानोना बिजाब मोनोनो हायै फरायसालिफोर जिल्ला फरायसालि नायगिदिंगिरिनयाव जावले-जावले खावलायसेयावबो बिजाबखौ जगायनानै होनो हायाखै। नाथाइ सरकारआ नांगी फरायसेबेबां बिबानि बिजाब गथायनायनि उनावबो मानो फरायसाफोर बिजाब मोनोनो हायाखै, बेयो मोनसे गेदेस्थार सोंथि फाहाम आफादआ सोंखारिदों। खौरंगिरि मेलआव थाबैनो फरायसाफोरनो बिजाब गथायनायनि रहा खालामाब्ला सुबुं खान्थियारि सोमावसारनायनि हुमखि होदों कपिल देव सिंह आरो मानसुक सानकारिकाआ।

बेंटल-टुक्राझार-निज्लागुरिनि आबाद फोथाराव दैनि आंखाल

निज्लागुरि दै रनसार बिथांखिनि खामानिया जागायजेनदोंमोन नाथाइ बिफानआरि लेहेमिया आखुनि थाखायनो बे दै रनसार बिथांखिनि माखासे खामानिया आद्रा जानानै थालांदोंमोन। इसेल' मावफुं जानाय दै रनसार बिथांखिनि मोनसे बाहागोआ बोसोरफ्रामबो दैज्त्नां समाव बुखारलांजानायनि जाहोनाव दै जगायनायनि रहाया बन्द' जानानै थायो। बे बोसोरगवबो बे जेंनायनो सोमंजियो। बेनि गेजेरवनो अखा हार्यैनि जाहोनाव आबाद फोथाव नांगी जानाय थोजासे दै थायैनि थाखाय ओन्सोलनि आबादआरिफोर खाफालआव आखाय होनांनयनि थासारिजों मोगा मोगि जानाडे। जायनि जाहोनाव दिनैनि सानाव सरकारनि खाथियाव आखाय फुवास्तानै नेबाय थायालासेनो ग 25 गामिनि आबादआरि राइज्यो-राजाफोर खौसयै औंखारबोनानै खावसेयैल' लुफुंजानाय दै रन्सार बिथांखिनि बाइफ्लं लांनाय बाहागोखौ औवा, बिफां-लाइफां,बाला अन्थाइजों फादफनिफिन्नानै अरायथा नडैब्लाबो आबाद फोथाराव दै जगायनायनि रहा खालामनानै लादों। मख 'नो गोनांदि सरकार एबा दै रन्सार बिफाननि मावफारियाफोरनो बेनि सोमोन्दै गोबां खेब आरज'लाइ गथायनाय जादोंमोन नाथाइ दिनैसिमबो बे बिथिडव जेबो रहा आजावबाखै बेनि गेजेरवनो खौरं बिजोंनि गेजेरजों बुगिनांनय आबादआरि राइजो-रजाफोर बिटिसि खुंथाइखौ खावलायदों आबादआरिफोरनि खाबु जानाय बायदियै बे खावसेल' लुफुंजानाय सुइसगटेखौ फोदानफिन्नानै आबादआरिफोरनो मावनानै जानायनि खाबु होनो खावलायहरदों।

सनापुरनि बगीबारिआव हादतनि सेथि दै बिरेंदामिन पार्क बेखेवदों

लामायाव गोख्रोडै सिगालांनो खावलायो। ना फिसिनायनि बिथिडव कलं-कपिलीनि आदर्शखौ उनसंनाने गावखौनो गाव गसंथा होनायनि थाखाय लाइमोन जोलैखौ थांखि लानो खावलायनानै गिबि मन्थिआ बुंदोंदि, राइज्योनि लाइमोन जोलैनि फारसैबो आखायाव जोबनो गैयै गोथोकोमानोय दइ आरो बिसोरो राइज्योआव मोनसे गोख्रोंथार आबाद रंखान्थि सोरजिनांगोन। आसामआ दरसे दैमाफोरनि राइज्यो होन्नानै गिबि मन्थि ७ शर्माआ बुंदोंदि, गोबां दैसा-फुख्रि-बिलो-हाखरफोरजों आसामआ आबुं जानानै दइ। बेनि उनावबो थंनाय सम्मफोरव राइज्योआ अन्दप्रदेशबादि राइज्योनिफ्राय ना लाबोनो गोनां जादों। बेबायदि थासारियाव राइज्योनि ना फिसिनायनि जाथावनाखौ मोखाडारि खालामनाय 15 बोसोरनिफ्राय बांसिन सम नाडै कलं-कपिलीआ लाबोनाय बिफाना जाखांबोनाय गोदान जोलैनि थाखाय बिजोंथिनि गोदान खौरं दैथायहरदों। बिथाड बुंदोंदि, थंनाय 17 बोसोरआव कलं-कपिलीआ गासै 1 लाखनिवुइबो बांसिन ना फिसिगिरिफोरनो गोनांथिनि फोरोंथाइ आरो मुवा बेसाद आरो गियान होनानै बिसोरनि जिउआव मोजां गोहोम खोख्लैदों। एनबेसन थाखोनि बिरेंदामिन बाहायनाय आरो सोनारनो हानाय रहानि गेजेरजों कलं-कपिलीआ ना फिसिनाय खोन्दोआव मोनसे गोदान बिजों फोनांजबदों होन्नानै ७ शर्माआ बुंदोंदि, बे आफादआ 2019 माइथायआव आसाम सरकारनि ना बिफाननि ब्रेन्ड एम्बेसाडर महरै थिसनजानायनि अनगायै 2021 माइथायआव भारत सरकारनिफ्राय सोनारनो हानाय ना फिसिनायनि फारसे सरासनस नाडै बिहोमानि थाखाय मान गोनां साबसिन्थार आफादनि बान्था मोन्नो हादों। कलं-कपिलीआ नाबाई, इउएनडिपि, जिआइजेड आरो आसाम सरकारजों बाहागोदारिजों माखासे गामियारि जौगाखां बिथांखि मावफुंनानै गुदि खोलोबाव जिउ रहानि खाबुखौ बांहोदों होन्ना बिथाड बुडे। 2021 माइथायआव कलं-कपिलीआ आइचिएआर-चिआइएफएनि गेजेरजों गनायथि मोन्नाय सा-सान्जानि सेथि एकुवा काल्चार फिल्ड स्कुल गायसन्नायनि बाश्नाखौ मख 'नानै गिबि मन्थिआ बुंदोंदि, बे फरायसालिआ थाखो खथा आरो ओन्सोल बिथायाव फोरोंथाइनि गेजेरजों सोनारनो हानाय राइज्योनि, मिथिंगायारि आबाद, नानि फुवान दिहुन्नाय आरो जुथाइ आबाद राहाखौ जौगाखां होनाय आरो गोदान दिहुन्थाइयारि सोलोनि सायाव गोनांथि होनानै माखासे रोजा सेंग्रा-सिख्ला, आइजो आरो आबादआरिफोरनो फोरोंथाइ होनानै रोंगोंथि गोनां खालामदों। बे एकुवा काल्चार फिल्ड स्कुलखौ जौगाखांहोनानै दिनै सनापुरनि बगीबारिआव हादरनि सेथि दै बिरेंदामिन पार्कखौ बेखेवनाय जादों होन्ना गिबि मन्थि ७ शर्माआ मख 'दों। बिथाड बुंदोंदि, बे पार्कआव एकुवाप'निक्स, रिचाकुर्लेटरि एकुवा काल्चार सिस्टेम, बाय 'प्लक, नानि आदार महरै बाहायनो हानाय एम्फौफोर, बिफां-लाइफांफोरनि गुदि दिहुन्नाय, साजायग्रा ना फिसिनाय आजायनाय, बाडाइ बेसेवआव आदार दिहुन्नायनि थाखाय मिरल आरो एम्फौ फिसिनायनि थाखाय फिसा रिचाकुर्लेटरि एकुवा काल्चार सिस्टेमबादि गोदान मुगानि दैआरि आबाद बिरेंदामिनखौ दिन्थिजागोन। बे पार्कआ आफादआरि आरो बाहागोदारिफोरनि थाखाव गियाननि मोनसे मिरु महरै मिथिजागोन होन्नानै गिबि मन्थि ७ शर्माआ बेबायदि मावफुंनाय आयदानि थांखिनि थाखाय कलं-कपिलीखौ साबायखर बाउयो। बिथाड बुडेदि, कलं-कपिलीआ जाबाय राइज्योनि लाइमोन जोलैनि थाखाय थुलुंगाखांनायनि मोनसे बाहागो। राइज्योनि ना खोन्दोआव गोबां मिर्जिथिजानायनि फारसे नोजोर होनानै आसाम सरकारआ गावआरि माखासे बिथांखिजों लोगोसे गाहाइ मन्थि ना सम्पदा यजना, नाबाईनि हेफाजाबाव मावफुंनाय गामिआरि गुदि बिथा जौगाखानाय रं एबा आरआइडिएफ बायदिजों लोगोसे माखासे बिथांखिखौ मावफुंदों। जायनि थाखाय राइज्योनि ना खोन्दोआव आथिखालाव मोनसे नोजोराव गोग्लैनाय सोलायथाइ फैदों। बिथाड बुंदोंदि, 2023-24 माइथायआव राइज्योआव 4.99 लाख मेट्रिक टन ना दिहुनजानायजों लोगोसे आसामआ हादरनि ब्रैथि बांसिन्थारै ना दिहुनगुरि राइज्यो महरै मिथिजादों। गिबि मन्थिआ बुंदोंदि, राइज्यो सरकारनि थांथिया जाबाय आसामखौ हादरनि गेजेराव सेथि दरबा जौगाखानाय राइज्योनि दरसे राइज्यो मोनै सोरजिनाय। ना खोन्दोआव आसामआ आथिखालाव ब्रैथि जायगा मोन्दों आरो 2025 माइथायनि फोरमायथिया जेब्ला फोसावजागोन बे समसिमआव राइज्योनि जायगाथा बांसिन्थारै जौगाखांदों होन्ना बिथाड बिजोंथिदों। ७ शर्माआ 2019 माइथायआव आसामआ नैनिफ्राय 2.50 मेट्रिक टनल' ना दिहुन्दोंमोन आरो 2023-24 माइथायआव आथिखालाव दिहुन्नान्यनि बिबाड नै फानसिम बांदों। राइज्योआव ना फिसिनाय खोन्दोखौ जौगाखां होनो थाखाय गुबुन-गुबुन थांखि लानायखौ मख 'नानै गिबि मन्थिआ बुंदोंदि, खौरं मन्थि ना सम्पद यजनानि सिडव राइज्योआव ना फावना दिहुनग्रा मिरु, ना फावना फिसिग्रा फुखि आरो गोदान फुखि जावनायनि थाखाय थांखि लानायफोर नानि दिहुन्थाइयाव मोजां गोहोम खोख्लैदों। बेनि अनगायैबो अमृत सरबरफोराबो बे बिथिडव हेफाजाब होदों होन्नानैबो बिथाड बुंदों। बिगियानारि रहाजों ना फिसिनायाव हेफाजाब गोनां जानाय बायदियै राइज्योआव मोन 178 फिसा, गेजेरारि आरो गेदेतथार द्वाथयनि बाय'प्लक आरो मोन 28 रिचाकुर्लेटरि एकुवा काल्चार सिस्टेमखौ राइज्योआव गायसन्नाय जादों होन्नानै बिथाड बुंदोंदि, बे थांखिनि गेजेरजों गासै सा 20 रोजा ना फिसिगिरिफोर मुलाम्फा जादों आरो सा 90 रोजानिबो बांसिन् ना नागिग्राफोरा रंखान्थियारि अन्सुंथाइ मोन्दों होन्नानैबो बिथाड बुडे। गिबि मन्थिआ बुंदोंदि, राइज्यो सरकारआ श्रीभूमि जिल्लानि चनबिलारखौ गासै जौगाखां होनायनि थाखाय प्रधान मन्थि ना सम्पदा यजनानि सिडव 100 कौटि-कौटि रंनि मोनसे बिथांखिखौ आखाइयाव लाबाय। बेनि अनगायैबो ँंसियान डेभलायमेन्ट बेंकनिफ्राय 800 कौटि रं अन्सुंथाइजों राइज्योआव गोहो गोनां बिलो आरो जुथाइ ना फिसिनाय बिथांखिखौ आजावना लादों एबा जायगानि हेफाजाबाव 250 कौटि रं बाहायनायजों 10 गुन माखासे थांखिफोरनि बिथांखिखौ आखायाव लादों। राइज्योआव क्रिशान क्रेडिट कार्डनि गेजेरजों गासै 10 रोजा आबादआरिफोरा गासै 55 कौटि रनि दाहार मोयर् होन्ना बिथाड बुडे। बेनि अनगायैबो ना फिसिगिरि समाजआरि रेखाथिनि नोजोरजों मिरु सरकारनि जुथाइ जात्रबथाय बीमा बिथांखिखौबो राइज्योआव मावफुंनाय जादों होन्नानैबो गिबि मन्थिआ मख 'दों। दोरोडारि आबाद राहाफोरजों लोगोसे बिरेंदामिन बाहामनायजों ना फिसिनाय खोन्दोखौ आरोबाव बांसिन्थारै मुलाम्फा गोनां खालामनो राइज्यो सरकारआ सोलिफु रंखान्थि बोसोरआव गासै 8 कौटि रं बाहायनायजों मोन 10 ना क्लास्टार जौगाखांह

माहाम देहानि राहा

एसेल' खामानि मावनायाव देहायाव मेंनाय मोनोब्ला गोहोखौ बांहोनो थाखाय सानफ्रोमबो माखासे सुपारफुडफोरखौ जानांगौ

जुदि नोंथाड सानसे गोहो गोनां आरो सांग्रां थानो लुबैयो, अब्ला ब्याम खालामनायाल' थोजासे नड; नांगौ जानाय आदाराबो जोबोद गोनांथार। बेनिखायनो माखासे जुनिया सुपारफुड जानाया देहाखौ गोबाव समसिम गोहो गोनां लाखिनो आरो मेंनायखौ होबथानायाव मुलाम्फा गोनां जानो हागौ। बेफोरो खालि देहायारि गोहोखौल' बांहोया नाथाय गोसोआरि सांग्रांथिखौबो लाखियो। गायवा होनाय माखासे सुपारफुडफोरा गोहोखौ बांहोनायाव मदत होगोनः

1. **थालिरः** थालिरआ मोनसे जोबोद मोजां मिथिंगायारि गोहो बांहोग्रा। बेयाव कार्बहाइड्रेट, पटेशियाम आरो भिटामिन बि6 बायदि गोबां बिबांनि निउट्रियेन्टफोर थायो, जाय देहाखौ गोखै गोहो होयो आरो मोदोम-रोदाखौ गोखों खालामो। बेखौ वार्कआउट खालामनायनि सिगां एबा फुडव ब्रेकफास्टनि थाखाय जानाया गासै सानाव गोहोनि थाखोखौ बांहोयो।

2. **अट्सः** अट्सआ लासै-लासै हजम जायो आरो देहाखौ गोबाव समनि थाखाय गोहो होयो। बेयाव कार्बहाइड्रेट, फाइबर आरो प्रटीनबो थायो, मोदोमनि गोहोखौ बांहोनो थाखाय सानफ्रोमबो माखासे सुपारफुडफोरखौ जानांगौ



जाय गोहोखौ बांहोनायाव आरो सुगारनि थाखोखौ लाखिनायाव मदत खालामो।

3. **दावदैः** दावदैयाव गोबां प्रटीन थायो आरो एमिन' एसिडजों बुंफबनाय, जाय मोदोम मोनफिन्नाय आरो गोहो बांहोनायाव मदत होयो। दावदैयाव थानाय भिटामिन बि12 आरो आयरनआ देहायाव अक्सिजेननि जगायनायखौ बांहोयो, जायजों मेंनायखौ बाडाइ खालामो।

4. **बादाम आरो बेगरफोरः** बादाम, अखरट, चिया बेगर आरो फ्लेक्ससीडआव गोबां बिबांनि सावस्त्रिनां फेट, अमेगा-3 फेटी एसिड आरो प्रटीन थायो, जाय देहायाव गोबाव समसिम गोहो होयो आरो बोलोखौ बांहोयो।

5. **पालकः** पालकआ आयरन आरो मेगनेसियामनि मोनसे मोजां फुंखा, जाय देहायाव हिमग्ल'बिनखौ बांहोनायाव मदत खालामो आरो मेंनायखौ बाडाइ खालामो। बेयो


मोदोमनि गोहोखौ बांहोनोबो हेफाजाब होयो।

6. **गोदे आलुः** गोदै आलुआ जेथोगोनां कार्बोहाइड्रेट आरो फाइबरजों बुंफबनाय, जाय लासै-लासै गोहो होयो आरो देहाखौ गोबाव समसिम सांग्रां लाखियो।

7. **ग्रीन टीः** ग्रीन टीआव थानाय एन्टीअक्सिडेन्टआ मेटाबलिज्मखौ बांहोयो आरो देहाखौ डिटक्सिफाइ खालामनायाव मदत खालामो। बेयो गोसोआरि सांग्रांथि आरो देहायारि गोहो मोनैखौबो बांहोनो थाखाय मुलाम्फा गोनां।

8. **दहीः** दहीआव प्रोबायोटिक्स, प्रटीन आरो कैल्शियाम थायो, जाय हजम खालामनायाव सावसिन खालामो आरो देहाखौ सांग्रां आरो गोहो गोनां लाखियो। बेखौ जानाया मेंनाय आरो अलसियाखौ बाडाइ खालामनायाव मदत होयो।

उमा देवी खत्रिआ बलिउड सावथुन मुलुगानि गिबिसिन आइजो कमिडियानमोन




सावथुनफोराव जुदि कमिडि थाया, अब्ला मुजिनायआ खम जायो। बलिउड इन्डास्ट्रीआव माखासे मुंदांखा कमिडियानफोर दं, जाय गावसिनि जंखायनाय स्टाइलजों सावथुनफोरखौ सावसिन खालामो। नाथाय नोंथांमोनहा हिन्दी सिनेमानि गिबि आइजो कमिडियाननि सोमोन्दै मिबथिगौ

नामा? मिबथिहोनाय जायोदि, हिन्दी सावथुननि गिबि आइजो कमिडियान आर्टिस्टआ दुनदुनमोन, जायनि नंगुबै मुड उमा देवी खत्रिमोन। सावथुननि गेजेरजों बिथाड सुबुंफोरखौ गोबां मिनिहोदों। बाबुल (1950), मिस्टार एन्ड मिसेज 55 (1955), पति पत्नि और वो (1978) बायदि माखासे मुंदांखा

सावथुनफोराव बिथाड गावनि कमिडि टाइमिंजों नायगिरिफोरनि गोसोआव जायगा आवगिदोंमोन। नाथाय आथिखालाव बिथाड जोंनि गेजेराव गैलिया। बिथांनि जंखायनाय फावखौ जेब्लायबो बाखायनाय जायो। 1923 आव उत्तर प्रदेशनि अमरहानि खाथियाव मोनसे फिसा

मुंदांखा सावथुन बिथोनगिरि सन्दिप रेड्डी आंगाआ दिपिका पाडुकणनि सायाव खुदिरवांदों

थानाय सानफोराव दिपिका पाडुकणखौ सन्दिप रेड्डी बांगानि 'स्पिरिट' सावथुननिफ्राय एंख्लायनाय जायो। मिबथिनो मोन्नाय बायदिब्ला दिपिकाआ 8 घन्टा खामानि मावनो बिनायनि जाहोनाव बिखौ बे सावथुननिफ्राय एंख्लायनाय जादोंमोन। नाथाय बे बिथिडव दिपिका आरो सन्दिपनि फारसेनिफ्राय जेबो बिबुंथि फैयाखै। दिपिकाखौ रिप्लेस खालामनानै सावथुनाव तुप्त डिमरिखौ कास्ट खालामनाय जादोंमोन। बे समनिफ्रायनो बलिउडआव वार्क-लाइफ बेलेन्सखौ लानानै मोनसे खुदिरलायनाय बायदि थासारि सोमजिदोंमोन। अदेबानि बेनि उननिफ्रायनो माखासे



फावगिरिफोर बिथांखौ सापर्टबो खालामदों आरो बुडोदि, दिपिकानि डिमान्टआ जाथवना। आथिखालाव सावथुन बानायगिरि सुनिल दर्शनआबो बेव बाहागो लादों। सुनिलआ दिपिकानि 8 घन्टानि शिफ्ट बिनायखौ मोगथाडारि नडा होन्नानै मिबथिहोदों। सुनिस दर्शनआ बावैसो सिगां

आइएएनएस बाथ्रा सावरायनानै मिबथि होयोदि, जुदि सोरबा सासे फावखुंगुरआ 8 घन्टानि शिफ्ट बियो अब्ला सावथुन बानयिगिरिफोरा बेखौ लिरनानै लानांगोनदि, बे बायदिनो लान्थियै खामानि मावगोन। सावथुन बानायगिरिया बुडोदि, आं सानो फावगिरिफोरा बैफोर सुबुंफोरजॉल' लोगोसे खामानि

मोनसे सर्तनि जाहोनाव हेमा मालिनि आरो सनजिब कुमारनि जुलिया जायाखैमोन

सनजिब कुमारआ गावनि रेंग'थि एक्टिजों जोबोद खौरांआव थाबोदों आरो बेजों लोगोसेनो बिथाडा गावनि पार्सनेल लाइफखौ लानानै जोबोद सावराय जादों। बिथांनि बांसिन सावराय जानाय सोमोन्दोआ हेमा मालिनिजोंमोन। बिथाडा हेमाजों जोबोद मोजां मोनलायदों। नाथाय खाफालआ आलादासो गनायना दंमोन एबा लिरनाय दंमोन। मिबथिनो मोन्नाय बायदिब्ला सानैजों 1972 नि 'सिता और गीता' सावथुननि सुट्टिनि समाव मोजां मोनलायदोंमोन। बिसोरनि बाथ्राखौ हनिफ जावेरी आरो सुमन्त बत्राया गावसिनि 'एन एक्टर्स एक्टर' बिजाबआव रायखांदोंमोन, जेराव लिरदोंदि, सनजिब कुमार आरो हेमा मालीनिआ 'हवा के साथ-साथ' मेथाइनि सुट्टिनि समाव लोगो मोनलायदोंमोन, जेराव बिसोरो महावलेश्वरनि समायना लामायाव स्टेटि खालामनो गोनांमोन। बे समावनो बिसोरो मोनसे जाब्रबथाइ जायो आरो बेनिफ्राय सानैबो खुनुरुखुमै रेखा मोनो। बे जाब्रबथाया बिसोरनि सोमोन्दोखौ खाथिसिनाव लाबोदोंमोन। जेब्ला बिसोर सानैनि सोमोन्दोआ आवगायलानो हमो अब्ला



सनजिब कुमारनि नख'रआ हेमा मालिनीनि न'आव जुलिनि खौरां हैनो थांखि लायो। नेम-मुंदांखा फावखुंगुर शशि कापुरनि कार्वन कपिनि भिडिअ पस्टआ समाजआरि बिजोडाव गोखैरै भाइरेल जादों

खान्थि बायदियै सनजिबनि बिमाया थियारि जाखानानै हेमा मालिनीनि न'आव मेठाइनि डिब्बा लानानै सौहैयो। बबेखानि हेमानि बिमा जया चक्रवर्तीआ सनजिबनि नख'रजों फावखुंगुर शशि कापुरनि कार्वन कपिनि मोनसे भिडिअ पस्ट होनाय जादों। बे भिडिअआव शशि कापुर जुनियर मुंनि सुबुंखो बिथांनि डायलगखौ बुंनाय नुनो मोन्दों। मेगनाव चश्मा साइड पार्टिसन हैयार स्टाइल आरो खावलायाव डिम्पल थानाया बिखौ शशि कापुरजों एखे नुहोदों। बे सुबुंनि मुडा रइस खान, जायखौ शशि कापुरनि कपि खालामनाय जेब्लायबो नुनो मोनो। समाजआरि बिजोडाव बिनि भिडिअआ गोखैरै भाइरेल जागासिनो दं। इनस्टाग्रामाव जुनियर शशि मुंजों खुलिनाय पेजआव बलिउडनि आगुनि

गोसोखांथिफोरा गोदान जादों। 18 मार्च 1938 आव जोनोम मोन्नाय शशि कापुरआ भारतीय सावथुन मुलुगखौ मोनसे आलादा थाखोआव सौहैहोदों। बिथाडा 1940 माइथायाव उन्दै आरटिस्ट महरै खामानि मावनो जागायदोंमोन। बेनि उनाव 1948 आव 'आग' आरो 1951 'आवाश' बायदि सावथुनफोरखौ खालामदों। बबेखानि 4 डिसेम्बर 2017 आव बिथाडा रुंसारि जायो, नाथाय बिथांनि सावथुनफोरा अतिथिवो नायगिरिफोरखौ एन्टारटेन खालामो।

फराह खानआ शाहरुखजों जयै खामानि मावजेन्नायनि सोमोन्दै मारवासे बाथ्रा फोरमायदों

बलिउडनि किं शाहरुख खान आरो करियग्राफार फराह खाननि लोगोनि सोमोन्दै साफ्रोमबो सुबुंआनो मिबथियो। सानैजों गोबाव समनिफ्राय लोगो आरो माखासे सावथुनफोराव जयै खामानि मावखांबाय। अदेबानि बिसोरो सानैनि सोमोन्दै मोनसे मुजिथावना बाथ्राफोर दंमोन, जों बयबो मिबथिगौ जे आथिखालाव शाहरुख खानआ सासे हाइ पेड फावखुंगुर नाथाय जागायजेन्नाय समाव बिब्बि नडमोन, मोनसे समाव जेब्ला मोनसे सावथुनाव करियग्राफार फराह खाननो शाहरुख खाननिखुइ बांसिन फिस होनाय जादोंमोन। बावैसो सिगां फराह खानआ शाहरुखजों लोगोसे गावनि केरियारनि जागायजेन्नाय सानफोराव खामानि मावनायनि सोमोन्दै गुवारै बाथ्रा सावरायदों आरो मिबथि होयोदि, बिसोरनि




सोमोन्दोआ लोगो मावसुमाफोर बायदि नडामोन, नाथाय लोगोमोन, जेराव गोबां मिनिनाय-जंखायनाय जायोमोन। बिथाड कुन्दन शाहनि 1994 नि सावथुन 'कभी हा कभी ना' आव सासे करियग्राफार महरै खामानि मावदोंमोन। जायनि माखासे बाथ्राफोरखौ शेयार खालामदों, बिथाड बुडे 31 बोसोर सिगां जेब्ला बे सावथुना सुट

जागासिनो दंमोन अब्ला बै समाव शाहरुख खानआ गिदिर स्टार नडामोन। अदेबानि सावथुना जोबोद बाडाइ बाजेटनिमोन, बै समाव जों साफ्रोमनिबो के रियारनि जागायनाय सम सोलिगासिनो दंमोन। बे समाव सावथुनफोराव फिसफोर गोबां नडमोन। आंहा बे सावथुनाव खामानि मावग्राफोरनिफ्राय बांसिन रां मोन्दोंमोन, शाहरुखनिखुइबो

बांसिन मोन्दोंमोन। शाहरुख खानआ 25 रोजा रां मोन्दोंमोन आरो आंहा मोनफ्रोम मेथाइनि थाखाय 5 रोजा रां मोनोमोन। बे सावथुनाव आं मोन 6 मेथाइ खालामदों, बे सावथुनि थाखाय आं 30 रोजा मोन्दोंमोन। आंनि फिसआ शाहरुखनि 5 रोजा बांसिनमोन। बे सावथुनआव खामानि मावनायनि 10 बोसोर उनाव बेज'रया फिन खनसेबाव जयै फैदों।

500 कुश्ति खमलायनायनि उनाव दारा सिंहआ बलिउड सावथुन मुलुगआव आगान होजेन्दोंमोन

भारतीय दारा सिंह, जायखौ 'रुस्तम-ए-पान्जाब' आरो 'रुस्तम-ए-हिन्द' नि बिमुंजों मान बाउनाय जादोंमोन। बिथाड भारतीय पेहेलवान आरो एन्टारटेनमेन्ट मुलुगनि सासे जर'खा सुबुंमोन। बिथांनि देहायारि नुथाय, गोहो आरो खमलायनायनि रेंग'थिया बै समाव पेहेलवान बानायदोंमोन। दारा सिंहआ भारतआवल' नड हारिमायारि थाखोआवबो पेहेलवानफोरनि गेजेराव सासे होन्ना सिनायथि मोनबोदों। मुलुगनां थाखोआव गिदिर-गिदिर पेहेलवानफोरखौ



फेजेन्नानै बिथाड हादतनाडैनो मुंदांखा खालामदों। भारतआव दारा सिंहआ पेहेलवाननि अनगायै एक्टिबो खालामदों। बिथाड रामानन्द सागरनि बानायनाय रामायण सावथुनाव हनुमाननि बिफाव होनायनि थाखाय मिबथि जायो। दारा सिंहनि बे बिफावआ नायगिरिफोरनि गोसोआव दासिमबो थानानै दड। 12 जुलाइ 2012 आव बिथाड बे बुहुमखौ नागारनानै थादों। बिथाड गासै 500 सो कुश्ति खमलायदों आरो माब्लाबाबो जेन्नानै थायाखैमोन। 1968 आव बिथाड आमेरिकानि पेहेलवान लाउ थेजखौ फेजेन्नानै मुलुगनां

फ्रि स्टाइल चेम्पियनशिप देरहादोंमोन, जाय बिथांखौ भारतनि गिबिसिन मुलुगनां चेम्पियन खालामदों। गामा पेहेलवानआ गावनि केरियारआव माब्लाबाबो खमलायनायाव जेनफे राखैमोन। सानैखौबो मुलुगनां थाखोआव गुबुन हादतनि पेहेलवानफोरखौ फेजेन्नानि थाखाय समानै गनायनाय जायो। सानैबो भारतीय कुश्तिनि गोहोखौ फोरमान खालामदों। गामा पेहेलवानआ भारतनि गावसालायनायनि उनाव नख'रजों जयै पाकिस्तानाव थाडे।

